

吳詩集覽卷六上

七言古詩三之上

送沈繹堂太史之官大梁

天清一統志沈荃字貞生華亭人順治壬辰廷對第三人授編修十三年出為河南按察

司副使分巡大梁道有政績歷官詹事卒謚文恪書法尤有名感舊

集補傳至號繹堂

雲間學士推二沈布衣召見登華省多少金閨榜墨新

科名埋沒聲華冷青史流傳有弟兄衣白山人披賜錦

一代才名竝玉珂百年絹素垂金粉

原註宣廟時雲間有大小沈學士以

吳詩集覽 卷六上

一

布衣善書入翰林皆著名跡大學士名度小學士名祭

繹堂為壬辰第三人官編修擢授大梁道亦有書名小學士後也

此叙繹堂家世百年絹素用正觀科名埋沒用反襯

○雲間見哭志衍明史文苑傳沈度字民則沈彙字民望松江華亭人兄弟皆善書度以婉麗勝祭

以道逸勝號大小學士 布衣見讀史雜詩其三華省見又詠古 文通別賦金閨之諸彥撫言進士榜粘黃

紙四張以淡墨隨筆書禮部貢院四字 宋史選舉志求賜科名埋沒見行路難其六聲華見哭志衍 青史


見又咏古 新唐書李泌傳著白者山人詳西田賞菊西京雜記相如遂作大人賦以獻之賜錦四匹明史沈

度傳兄弟并賜織金衣鏤姓名於象簡泥之以金 才名見壽龔芝麓張茂先詩乘馬鳴玉珂 絹素見贈吳錦雯皮襲美詩半垂金粉知何辭 知君門肖

本能文易世遭逢更絕倫射策紫裘臚唱出馬蹄不動

六街塵曲江李杜無遺恨留取花枝待後人

此承第一段言之先



叙其科第之貴○三國志王粲傳父謙名公之胄杜詩  
穉子總能文漢書原涉傳易世矣遭逢見官弱絕倫  
射策并見哭志衍盧昇之詩青雲蓋兮紫霜裘方回  
詩臚唱曾叨殿上來杜詩黃門飛鞵不動塵于武陵  
詩徒染六街塵國史補進士大宴于曲江亭子謂之  
曲江會杜詩買穿無遺恨墨莊漫錄徐過特奏名魁  
戲題云留得宮花醒後看秦中記唐進士杏園初會謂  
之探花宴以少俊二人爲探花使明史選舉志一甲止  
三人曰狀元榜眼探花制所定也按二句以李  
杜之不預曲江宴比二沈言以科第待釋堂耳即今藝  
苑多供奉八分草隸清曹重署額新宮十丈懸韋郎體

勢看飛動其餘作者何紛紛爭來待詔鴻都門圍棋賭  
聖王長史丹青畫馬曹將軍此段旁觀前四句見書法  
之貴後四句以雜藝相形

○韓詩藝苑手秘寶供奉見王郎曲吾邱衍學古編  
八分者漢隸之未有挑法者也書輯草書者後漢徵士

### 吳詩集覽 卷六 上

二

張芝所造也又自程邈以降謂之秦隸賈勗三倉蔡邕  
石經諸作謂之漢隸林寬詩門掩清曹曉蜀都賦營  
新宮于爽塏三國志光祿大夫京兆韋誕書斷誕字  
仲將善書題署尤精魏明帝凌雲臺成賦先釘榜未題  
署以籠盛誕輒輻長緇引上使就榜題去地二十五丈  
杜詩同病得韋郎王子安滕王閣序列岡巒之體勢  
飛動見汲古閣歌杜詩晚看作者意又總角草書又  
神速世上兒子徒紛紛待詔見讚佛詩後漢書靈帝  
紀光和元年春始置鴻都門學士晉書謝安傳苻堅  
衆號百萬次於淮肥京師震恐安遂命駕出山墅圍棋  
賭別墅又王濛傳王長史語甚不多可謂有令音按梅  
村壽余澹心亦有賭墅好尋王武子之句然濟傳無樵  
墅事而亦未爲長史也劉夢得觀棋歌自從仙人遇樵  
子直到開元王長史程迥亭曰震澤長語翰林衙門百  
藝皆可入故琴工畫史及善奕者皆得待詔其中此王  
長史當指王積薪也杜丹青引贈曹將軍霸弟子韓  
幹早入室亦能君也讀書致上第傳家翰墨閒游戲逆  
畫馬窮殊相

落長空筆陣奇縱橫妙得先人意頓挫沉雄類壯夫雙  
瞳剪水清癯異卧疾蕭齋好苦吟平生雅不爲身計唯

留詩句滿長安清切長宜禁近宮秋雨直廬分手處忽

攜書卷看嵩山此正寫繹堂工書能文克紹家學也看嵩山點出之大梁意○唐書選舉志每

問經十條對策三道皆通爲上第傳家翰墨見觀通天帖游戲見讚佛詩潘安仁射雉賦倒禽紛以逆落

唐太宗詩夕霧結長空筆陣見觀通天帖縱橫見哭志行我先人謂二沈也唐書杜甫傳至沉鬱頓挫隨

時敏給周書李弼傳弼性沉雄有深識揚子法言壯夫不爲也雙瞳剪水見王郎曲清癯見卷清湖蕭齋

見後東臯歌杜牧之詩苦吟誰復聞南史蕭引傳亦宜少爲身計賈闓仙詩落葉滿長安采書殷淳傳

淳居黃門爲清切唐書柳宗元傳引內禁近與計事直廬見汲古閣歌沈休文詩分手易前期嵩山見維

吳詩集覽 卷六上

三

陽行 嗚呼男兒不入卽當出生世諧爲二千石黃紙初除

左馮翊腰間兩綬開顏色君不見沈侍中圖書秘閣存

家風匹夫徒步拜侍從况今淋漓 御墨宮袍紅一麾

去聽梁園鐘軒車路出繁臺東繁音杯酒意氣何雍容

簿領豈足羞英雄安能低眉折腰事鉛槧蹉跎白首從

雕蟲此叙相送之意○采書劉瑀傳人仕宦不出當入不入當出後漢書周澤傳生世不諧作太常妻

漢書百官表郡守秦官秩二千石南史羊欣傳人生仕宦至二千石斯可矣黃紙見讚佛詩漢書百官表右

扶風與左馮翊京兆尹是爲三輔霍顯詩腰間帶雨綬轉盼生光輝李詩開顏酌美酒梁書沈約傳字休

文吳興武康人也遷尚書左僕射加侍中圖書見松鼠秘閣見汲古閣歌家風兒送杜敬武漢書公孫宏

傳起徒步數年至宰相封侯按匹夫徒步南史齊書梁書皆不載然史稱其流寓孤貧則想當然也待從見東萊行李義山詩濡染大筆何淋漓張仲舉詩請君留束錦宮袍一麾見清風使節圖梁園見東皇歌莊子軒車不容巷繁臺見行路難鮑詩握君手接杯酒意氣相傾死何有雍容見送施恩山梁書王瞻傳每飲或竟日而精神益朗瞻不廢簿領英雄見又咏古李詩安能摧眉折腰事權貴西京雜記揚子雲好事常懷鉛提槧蹠此見送何省齋雕蟲見汲古閣歌

### 通元老人龍腹竹歌

通元老人來何方碧瞳頰面拳毛蒼手披地圖向我說指點西極天微茫視彼萬里若咫尺使我不得悲他鄉京師公卿誰舊識與君異國同周行九州喪亂朋友盡

### 吳詩集覽 卷六 上

四

此道不絕留扶桑

此段點明老人詩本意

在詩問我來何方異國同周行是作

能詩碧瞳大士何所主

宋景濂詩虬鬚頰玉面九尺長

後

漢書鄧禹傳光武舍城樓上披輿地圖指示禹

李詩

金鞭遙指點史記蒲梢天馬歌天馬徠從西極微茫見

福源精舍南史齊竟陵王傳咫尺之間便覺萬里爲

遙左傳襄二十九年吳公子札聘于鄭見子產如舊

相識李少卿答蕪武書遠托異國詩示我周行杜

詩亂離朋友盡山海經賜谷上有扶桑十日所浴

杜

床頭示我龍腹竹夜半風雨疑騰驤尾燒鱗蛻飛不得

蒼皮倔強膺微張此中空洞亦何有得無領下驪珠藏

漢家使者通大夏仍來叩蜀搜篋管更踰葱嶺訪異種

攜歸上苑棲鸞皇

此段點明龍腹竹○床頭見宮扇陸務觀詩一夜四山雷雨起滿林無

數長龍孫晉書夏侯湛傳騰驤於四極之外  
魚躍龍門雷為燒尾乃化為龍陸士衡漢高祖功臣頌  
振威龍蛻蒼皮見遇南廂園叟漢書陸賈傳乃欲以  
新造未集之越屈強於此集韻強其亮切宋史趙鼎傳  
此老倔強猶昔集韻徧渠勿切字典倔強通作屈彊史  
記作屈彊蘇詞龍鬚半剪鳳膺微漲世說王丞相枕  
周伯仁鄰指其腹曰卿此中何所有答曰此中空洞無  
物然容卿輩數百人領下驪珠見罄清湖漢書張  
騫傳臣在大夏時見叩竹杖蜀布問安得此大夏國人  
曰吾賈人往市之身毒國實管見清風使節圖漢  
書西域傳注師古曰西河舊事云葱嶺其山高上悉  
生葱故以名焉按異種字出後漢書祭彤傳史記始  
皇紀乃營作朝宮上林苑中南越志羅浮山第三十一  
嶺半是巨竹皆七八圍長有一二丈有三十九節葉若  
芭蕉謂之龍鍾竹嘗  
有鸞鳳棲宿其上

得縱使長房投葛陂此龍僵卧難扶策可是天教產竹

吳詩集覽 卷六上

郎八荒奇事誰能識一從海上西南來中原篠蕩多良

材淇園已竭蒼生痛會稽正採征夫哀天留異質在無

用任將拋擲生塵埃此段是作者咏嘆龍腹竹故與上  
段不復○王詩樂府裁龍笛劉

夢得詩照潭出老蛟馬季長長笛賦龍吟水中不見已  
伐竹吹之聲相似後漢書方術傳費長房者汝南人

也市中有老翁賣藥懸一壺于肆頭及肆罷輒跳入壺  
中長房遂欲求道于是遂從入深山長房辭歸翁與一

竹杖曰騎此任所之則自至矣既至可以杖投葛陂中  
也長房乘杖須臾來歸即以杖投陂顧視則龍也僵

卧見高士圖杜詩兒扶猶杖策後漢書西南夷傳夜  
郎者初有女子浣於遯水有三節大竹流入足間聞其

中有號聲剖竹視之得一男兒歸而養之及長有才武  
自立為夜郎侯以竹為姓賈誼過秦論并吞八荒之

心中原見贈蒼雪篔簹淇園并見清風使節圖  
至于海隅蒼生爾雅東南之美者有會稽之竹

箭焉征夫見避亂韓詩異質忌處羣莊子大木枝葉茂盛伐木者止其旁而不取也曰無所可用拋擲見

臨顛兒莊子塵埃也若有人兮在空谷束素娟娟不盈刃盡道腰

肢瘦勝肥此君無乃非其族雪壓霜欺直幹難輪困偃

蹇忘榮辱郢君豈出子魚下高人磊砢遭題目玉筍新

抽漸拂雲摩挲自倚東墻曲苦節長同處士飢寬心好

耐湘妃哭前止寫竹之形狀此段寫竹之性情有味外味是作者身分○楚辭若有人兮山之阿詩

在彼空谷宋玉登徒子好色賦腰如束素娟娟見西田詩詩不盈一刃鍾仲偉詩品瘦故勝肥國語非

是族也不在祀典百詩園花雪壓枝孟東野詩願從

正直節勿謂霜雪欺杜詩請君放筆為直幹史記鄒

陽傳蟠木根柢輪困離奇左傳哀六年彼皆偃蹇杜詩

忘情任榮辱三國志華歆傳字子魚魏略歆與北海

吳詩集覽卷六上六

郢原管寧俱游學三人相善時人號三人為一龍歆為龍頭原為龍腹寧為龍尾世說庾子嵩曰和嶠森森

如千丈松雖磊砢多節日有棟梁之用晉書山濤傳各為題目荀抽見松鼠杜詩階前樹拂雲摩挲見行

路難後漢書逢萌傳遊世墻東王君公苦節見清風使節圖按寬心即虛中之意湘妃見二十五日遊諸

勝呼嗟乎崑崙崙以外流沙西當年老子驅青犢手中竹

杖插成林殺青堪寫遺經讀君不見猶龍道德五千字

要言無過寧為腹何可一日無此竹此段與起處西極

可抵得行路難數首也而以點染出之故自令人不覺異國云云相照應

○天清一統志崑崙山在肅州西南二百五十里流沙在沙州衛西劉子政列仙傳老子姓李名耳周德衰乃乘青牛車去入大秦過西關關令尹喜待而迎之與老子俱至流沙之西服巨勝寶莫知所終拾遺記老聃在周之末唯有黃髮老叟五人手握青筠之杖

與聃共談天地之數山海經夸父棄其杖化為鄴林  
殺青見茸城行汗簡注史記老子傳孔子去謂弟子  
曰吾今日見老子其猶龍耶老子乃著書上下篇言道  
德之意五千餘言管輅別傳可謂要言不煩也老子  
聖人爲腹不爲目晉書王徽之傳嘗暫寄  
人空宅住便令種竹曰何可一日無此君

附考章懷後漢書注葛陂在今豫州新蔡縣西北何  
顯祖汝寧府志葛陂府城西南四十里卽費長房投  
杖處東漢於此置葛陂縣按新蔡縣之西北卽府城  
之西南也然不止四十里而呂民服新蔡縣志云葛  
陂水在縣北七十里銅陽城引水經注葛陂東出爲  
銅水以爲非今之縣西葛陵也然銅陽城今屬潁州  
府阜陽縣呂志謂今隸鳳陽府潁州是龔前明舊志  
之文耳且卽以呂志言之旣書其隸潁州卽不得以  
潁州之古蹟爲新蔡之觀美矣而畢卓書屋何以仍  
收於古蹟之內豈銅陽之屋可復還汝北而葛陵之  
陂獨割入江南乎且爲卓一人特立放達一門而于  
長房之事削而不書皆不可解不如從章懷注爲允

### 吳詩集覽

### 卷六上

七

又大清一統志云明統志葛陂在府城西南三十  
十里據後漢書注葛陂在新蔡縣西北以今地形考  
之當在新蔡之北項城之南不應在汝陽之西南疑  
明志誤按此則呂志以爲在潁州何志以爲在府城  
西南四十里皆誤也

### 送龔總憲龔孝升以上林苑監出使廣東

清會典

順治元年置上林苑監正七品衙門按明史職  
官志永樂六年始置上林苑監國初蓋仍其  
制出使  
俟考

與君對酒庾樓月君逼干戈我離別與君藉地燕山草

君作公孤我潦倒

此追叙與孝升相見之地對酒庾樓  
卽壽龔詩我同宋玉適來游也藉地

燕山卽重調三公築戟前也○對酒見讚佛詩

天

清一統志南樓在武昌縣南又名玩月樓卽今之謙樓



世說庾太尉在武昌登南樓與諸人詠讌藉草字出  
晉書惠帝紀一統志順天府宋宣和四年地入于金五  
年歸宋改爲燕山府 公孤見 亦知窮老應自疎識君  
壽龔芝麓潦倒見送何省齋

意氣真吾徒門前車馬多豪俊躡衣上坐容衰鬢我持

半勺君一斗我吟一篇君百首每逢高會輒盡歡把我

新詩不容口今日他鄉再送君地角天涯復何有此承燕山

句而申言之正見聚首之樂末二句點出送別又是以

上八句反襯末二句也○窮老見遇南廂園叟 意氣

見贈李雲田 劉孝綽詩衡門謝車馬史記酈生傳沛

公時時問邑中賢士豪俊 躡衣見廿五日詩躡而上

史記高祖紀遂坐上坐無所詘衰鬢見送杜敬武汪

環谷詩半勺滄浪歌濯纓一斗見行路難史記屈原

傳一篇之中三致意焉按百首卽斗酒百篇意 高會

見遇劉雪舫杜詩興來今日盡君歡 新詩見贈吳錦

吳詩集覽 卷六 上

雲史記袁盎傳諸君譽之者皆不容口 莊子送君者  
皆自崖而返君自此遠矣韓文一在天之涯一在地  
之角一統志天涯亭在廉州府欽州東門北畔海角山  
亭舊在合浦縣西南半里明隆慶中遷於廉江西

川有靈交有命延津會合真難定如君共事曹侍郎百

僚彈壓風裁正握手論文海內推交游京雒聲華盛秋

風吹向越王臺後先踪跡誰能信不見蘭臺連柏府却

過劍浦來珠郡相贈雖無陸賈金相看何必周昌印此

皆廣孝升之意而先以秋岳相比襯也○杜詩文章有

神交有道晉書張華傳華得寶劍報雷煥書曰詳觀  
劍文乃干將也莫邪何復不至雖然天生神物終當合  
耳煥卒子華爲州從事持劍行經延平津劍忽於腰間  
躍出墮水使人沒水取之不見劍但見兩龍各長數丈  
蟠紫有文章 舌廬江小吏詩共事三二年浙江通志

曹溶字潔躬號秋嶽秀水人崇禎丁丑進士官御史  
國朝順治間歷副都御史戶部侍郎出爲廣東布政使  
左遷山西陽和道裁缺歸里 書百僚師師唐書柳仲  
郢傳輦轂之下彈壓爲先北齊書李義深傳幼有風裁  
握手見六直歌論文見東萊行 京雜見茸城行聲  
華見哭志行 廣東通志趙佗築臺凡四一在廣州粵  
秀山上曰越王臺 通典御史臺亦謂之蘭臺寺又御  
史府中列柏樹 陳青伯詩劍浦羅浮東一統志珠池  
在廉州府合浦縣東南八十里海中 吳志孫權黃武七  
年改合浦爲珠官郡 更記陸賈傳高祖使陸賈賜尉  
佗印爲南越王尉佗賜陸生橐中裝直千金 又周昌  
傳周昌爲趙相旣行久之高祖持御史大夫印弄之曰  
誰可以爲御史大夫者 丈夫豁達開心期悠悠世上無人知三仕

三已總莫問一貴一賤將奚爲別君勸君休失意碧水  
丹山暫游戲客路扁舟好著書故園九日堪沉醉烏柏

吳詩集覽 卷六 上

九

霜紅少婦樓 枕椰 雨黑行人騎

此段就孝升而申言之別君勸君休失意是作

詩本旨○程詩豁達露心肝 史記汲鄭列傳贊一貴一賤交情乃見 鮑詩怨君恨君恃君愛失意見蕩子

行

昭明太子詩桂檝蘭橈浮碧水阮詩朝餐琅玕實

夕宿丹山際楊文公談苑碧水丹山珍木靈草平生所愛不覺行路之遠游戲見讚佛詩 荆楚歲時記九月

九日土人并藉野飲宴沉醉見贈家侍御 晉西州曲風吹烏柏樹羣芳譜烏白一名鴟白 正字通烏柏木名

本作烏榕 王少伯詩閨中少婦不知愁春日凝粧上翠樓 枕椰見哭志行 獨有飄零老伏生不堪衰白困將

白詩 雨黑長楓人

迎祇因舊識當途少坐使新知我輩輕花發羅浮夢君

處躑躅悲歌不能去 自叙作結與起處一段回環映合

鑑明 衰白見送何省齋將迎見磐清湖序 莊子無有所將無有所迎 舊識見龍腹竹歌當塗見送何省齋

楚辭樂莫樂兮新相知晉書孫綽傳應是我輩語

花發羅浮用龍城錄見鹽官僧問詩一統志羅浮山在廣州府增城博羅二縣界 文通別賦

知離夢之躑躅古詩悲歌可以當泣

嚴沆字子餐送龔芝麓使粵東詩直節爭傳亞相賢  
投閒上苑領林泉容棲蓮勺回中日去問梅花庾嶺  
天金殿頻嘶仙仗馬增江正跼武溪鷺羅浮山色輶  
車迎却望長安北斗懸一灞陵衰柳映平蕪持節爭  
看汲大夫元老風霜標冀闕清時雨露下番禺千山  
象郡蠻煙合萬里羊城塞月孤此去那論河內火流  
民應上使臣圖

### 雁門尚書行 并序

雁門尚書行為大司馬白谷孫公作也公代州  
人地故雁門郡長身伉爽才武絕人其用秦兵

### 吳詩集覽 卷六 上

十

也將憑巖關為持久且固將吏心秦士大夫弗

善也累檄趣之戰趣音促不得已始出天濔雨糗

糧不繼師大潰潼關陷獨身橫刀衝賊陣以沒

從騎俱散不能得其屍

天清一統志代州戰國屬趙置雁門郡秦

因之宋書樂志及李長吉李空同何大復皆有

雁門太守行 周禮夏官大司馬卿一人 明史

孫傳庭傳字百雅代州振武衛人崇禎十五年

正月起傳庭兵部右侍郎賊殺陝督汪喬年帝

即命傳庭往代計守潼關扼京師上游而關中  
頻歲飢駐大軍餉乏士大夫厭苦傳庭所為用法  
法嚴不樂其在秦相與譁于朝又相與危諷恫  
脇之明年五月進兵部尚書改稱督師賜劍趣  
戰益急遂再議出師 山西通志 傳庭益募勇士  
開屯田繕器械粟令三家出一壯丁置火車三

萬輛載火炮甲仗戰則驅以拒敵止則環以自衛時關中紳士咸請趣傳庭出關上亦急平賊類責讓長身見六直歌陳仲衆詩上請分亢爽吏記韓王信傳上以韓信材武嚴關本左傳巖邑戰國策粟不如者勿與持久說文累增也檄二尺書也更記項羽紀數使使趣齊兵潼關見又咏古亦經注河在關內南流潼關山因謂之潼關傳庭傳九月師次汝州遂破賊寶豐擣唐縣賊滿營哭自成幾獲大軍遂進逼襄城久雨道澇糧車不能前士飢雨七日夜不止後軍譁于汝州賊大至不得已還軍迎糧賊追及之南陽一日夜官兵狂奔四百里至于孟津死者四萬餘賊獲督師坐纛乘勝破潼關傳庭與監軍副使喬遷高躍馬大呼而沒于陣傳庭屍竟不可得公之出也自念必死顧語張夫人

夫人曰丈夫報國耳無憂我西安破率二女六

吳詩集覽

卷六

十一

妾沉于井揮其八歲兒以去兒踰垣避賊墮民舍中有老翁者善衣食之二年公長子世瑞重趺入秦得夫人屍貌如生老翁歸以弟相扶還

見者泣下蓋公素有德秦人云

傳庭傳初傳庭之出師也自分

必死顧語繼妻張夫人曰爾若何夫人曰丈夫報國耳勿憂我及西安破張率二女三妾沉于井揮其八歲兒世寧亟避賊去之兒踰墻墮民舍中一老翁收養之長子世瑞聞之重趺入秦得夫人屍井中面如生翁歸其弟世寧相扶攜還道路見者知與不知皆泣下莊子百舍重趺而不余門人馮君訥生公同里人作潼關行

紀其事余曾識公於朝因感賦此什公死而天

下事以去然其敗由趣戰且大雨糧絕此固天  
意抑本廟謨未可專以責公也公之叅佐惟監

軍道喬公以明經奏用能不負公潼關之破同

日死名元柱定襄人沈歸愚師曰馮雲驥字詒生山西振武衛人順治乙

未進士傳庭傳傳庭死而明亡矣宋史曹彬傳仗天威遵廟謨三國志王基傳歸功叅

佐山西通志喬遷高定襄人由拔貢生授直隸永平府通判遷陝西鞏昌府同知本府知府

按察司副使監孫傳庭軍事闕城破挺劍巷戰大聲呼曰我監軍道喬某也手刃數人知不支

遂伏劍死陝西通志同漢書平當傳以明經為博士唐書選舉志唐設取士之科其日有明

經舊說叅軍序中名元柱列傳名遷高互有異同按馮訥生潼關行序時又有監軍道喬公

### 吳詩集覽 卷六上

七

元柱定襄人罵賊伏劍死而尤展成咏明史樂府雁門哀自注亦作元柱然當以史及通志為據又序中作六妾詩中作七姬而史作三妾亦有異同

雁門尚書受專征登壇顧盼三軍驚身長八尺左右射

坐上咄吒風雲生家居絕塞愛死士一日費盡千黃金

讀書致身取將相關西鼠子方縱橫此段從尚書受命督師說起而追言

其才武愛士正值闖寇縱橫之時也愛死士暗照末段

養士意○專征見夜宿阜昌登壇見送杜敬武後漢書馬援傳援據鞍顧盼以示可用更記淮陰侯傳齋戒

設壇具禮至拜大將乃信也一軍皆驚隋書虞慶則傳身長八尺有膽氣左右馳射梁書元帝紀叱咤則

風雲興起杜詩絕塞愁時早閉門左傳哀十六年吾聞勝也好復言而求死士千黃金見遇劉雪舫致身見壽龔芝麓韓詩往取將相酬恩讎琴參詩弓抱

關西月二國志董卓傳長安城頭揮羽扇卧甲韜弓不

忘戰持重能收壯士心沉機好待兇徒變忽傳使者上

都來夜半星馳馬流汗覆轍寧堪似往年催軍還用松

山箭尚書得詔初沉吟蹶起橫刀忽長歎我今不死非

英雄古來得失誰由算此段言尚書欲謀定後戰而催

白羽扇指揮三軍唐書陳少游傳韜戈卷甲佇候指

揮漢書主父偃傳天下雖平忘戰必危持重見蟋蟀

盆歌更記仲尼弟子傳蒲多壯士後漢書光武紀贊

沈幾先物兇徒見哭志行班孟堅西都賦作我上都

北史段永傳若星馳電發史記司馬相如傳流汗相

屬惟恐居後新論無覆轍之敗明史陳新甲傳錦

州被圍久總督洪承疇集兵數萬援之帝召新甲問策

遣職方郎張若麒面商于承疇若麒未返新甲請分四

吳詩集覽 卷六 上

道夾攻承疇以兵分力弱意主持重以待帝以爲然而

新甲堅執前議若麒素狂驟見諸軍稍有斬獲謂圍可

立解密奏上聞新甲復貽書趣承疇承疇激新甲言又

奉密敕遂不敢主前議若麒益趣諸將進兵諸將以八

月次松山爲我太清兵所破大潰士卒死亡數萬

人若麒自海道遁還又邱瑜傳因召對言督師孫傳庭

出關安危所係慎勿促之輕出俾鎮定關中猶可號召

諸將相機進勦帝不能從又金毓峒傳孫傳庭治兵關

中吏民苦征繕日夜望出關天子亦屢詔督趣毓峒獨

謂將驕卒悍未可輕戰抗疏爭帝不納別詳松山哀

沉吟見送何省齋禮子夏蹶然而椎牛誓衆出潼關

起橫刀見茸城行英雄見又咏古 雄心慷慨宵飛檄殺氣憑陵老據鞍掃箠謀成頻撫劍

墟落蕭條轉餉難六月炎蒸驅萬馬二嶠風雨斷千山

量沙力盡爲傳淪此段言尚書戰數有功而糧弗能繼

也○史記馮唐傳五日一椎牛饗賓

客軍吏舍人書泰誓傳大會以誓衆墟落見茸城行

蕭條見遇南廂園叟漢書高帝紀老弱罷轉餉庾詩

五月炎蒸氣萬馬見遇南廂園叟綱目質實峭山在

河南府永寧縣北六十里綱目集覽東嶠至西嶠三十

五里左傳僖三十二年穀有二陵焉其北陵文王之所

避風雨也千山見贈願雲師雄心見六丘歌慷慨見

哭志衍杜詩處處喧飛檄可金仲秋之月殺氣浸盛

左傳襄二十五年以憑陵我做邑晉書載記苻堅曰

鼓行而摧遣晉若商風之隕秋籟黃魯直詩掃箒筭逆

地鬼谷子慮深遠則計謀成南史檀道濟傳道濟夜

唱籌量沙以所餘少米散其上高逵夫詩力盡

關山未解圍史記淮陰侯傳令其裨將傳食尚書戰

敗追兵急退守巖關收潰卒此地乘高足萬全只今天

險嗟何及蟻聚蜂屯已入城持矛瞋目呼狂賊戰馬嘶

鳴失主歸橫尸撐距無能識烏鳶啄肉北風寒寡鵠孤

吳詩集覽卷六上

西

鸞不忍看願逐相公忠義死一門恨血土花斑

此段言潼關潰

西安破而尚書死事家人從義也○山西通志九月師

次汝州僞都尉李養純降謀報賊老營在唐縣僞將吏

屯寶豐傳庭遣將襲唐縣而自趨攻寶豐自成來接白

廣恩高傑夾擊再戰自成敗走遂克寶豐他將亦克唐

縣師次邠縣賊萬騎逆戰復大破之軍聲大振會天久

雨道寧糧車不能前攻破邠縣得馬驟數百殺食之久

追兵急見行路難巖關見哭志衍左傳文三年民逃

其上口潰唐書王世充傳乘高馳下壓其營史記黥

布傳可以萬全易天險不可升也詩何嗟及矣退

之送鄭尚書序蜂屯蟻聚不可爬搜三國志典韋傳

但持長矛掠戰瞋目見行路難杜詩去年南行討狂賊

庾詩猶言乘戰馬宋史謝枋得傳張孝忠中流矢死

馬奔歸枋得坐敵樓見之曰馬歸孝忠敗矣張茂先

詩虎步蹈橫尸蔡文姬詩尸骸相掌拒山西通志傳庭

與傑以數千人走河北從山西渡河轉入潼關傑請徑

入西安傳庭曰賊一入關則全秦糜泝秦人尚爲我用

乎不納十月六日自成攻關傳庭登陣固守賊分兵從南山遶出其背夾攻關城遂陷傳庭奮躍馬揮刀大呼衝入賊陣戰死莊子在上為鳥鶯食李詩為鶯啄人腸銜飛上掛枯樹枝元詩啄肉寢其皮百詩暗鏡對孤鸞哀絃留寡鵠張正言詩多恐君王不忍看王仲宣詩相公征關右唐書馬周傳可為者惟忠義而已李義山詩恨血千年土中碧李長吉詩三十六宮土花碧故園有子音書絕勾注烽

烟路百盤欲走雲中穿紫塞別尋奇道訪長安長安到

日添悲哽爾足荆榛見督井轆轤繩斷野苔生幾尺枯

泉浸形影永夜曾歸風露清經秋不化冰霜冷二女何

年駕碧鸞七姬無塚埋紅粉此段言公子重趼入秦夫

詩音信千里絕明史地理志代州勾注山在西亦曰陘亦曰雁門山范致能詩廻腸山百盤山西通志辨

吳詩集覽卷六上五

證大同之號雲中郡也其說兆于後周昉于唐而遼西

京志又從而實之明遠蕪城賦北走紫塞雁門舌今注

秦築長城土色皆紫漢塞亦然故稱紫塞焉史記吳

王凜傳兵屯聚而西無他奇道北史虞世基傳世基

食輒悲哽戰國策足重爾而不休息注足傷皮皴如

蠶繭也荆榛見又咏古左傳宣十二年目于矚井而拯

之林注井無水也輓轡見琵琶行賈閬仙詩短褐身

披漬野苔後漢書耿恭傳贊枯泉飛液三國志陳思

王傳形影相弔謝靈運羅敷山賦發潛夢于永夜陶

詩凄凄風露交張見蹟詩別路已經秋淮南子化者

復歸於無形也不化者與天地俱生也李文山詩冰霜

稟規則吳彩鸞詩應得文簫駕彩鸞按序云六妾

而詩引七姬蓋用潘元紹妾事則上句二女亦借用虞

書字也蘇州府志七姬廟在元和縣寶金巷祀元左丞

潘元紹妾程氏瞿氏徐氏羅氏卞氏彭氏段氏明太祖

兵破蘇州七人同日自經死七姬墓在郡城東北隅潘

家後圖張羽有七姬權複壁藏兒定有無破巢窮鳥問

厝誌紅粉見贈李雲田



將雛時來作使千兵勢運去流離六尺孤傍人指點牽

衣袂相看一慟真吾弟訣絕難為老母心護持始識遺

民意回首潼關廢壘高知公于此葬蓬蒿沙沉白骨魂

應在雨洗金瘡恨未消渭水無情自東去殘鴉落日藍

田樹青史誰人哭薜碑赤眉銅馬知何處此段言公子與八歲兒扶

攜以歸而尚書屍竟不可得也渭水四句是作者咏嘆

語○復壁見又咏古破巢見哭志行後漢書趙壹傳

竊為窮鳥賦一篇晉書樂志鳳將雛者舊曲也應璩百

一詩云言是鳳將雛則其來久矣隋書越王侗傳往

屬時來漢書薛宣傳吏民言令治行煩苛適罰作使千

人以上晉書荀組傳給千兵百騎運去見讀西臺記

指點見龍腹竹歌牽衣見閬州行李詩相看兩不

厭史記聶政傳其是吾弟與訣絕見送何省齋聶政

### 吳詩集覽卷六上

六

傳臣幸有老母唐書劉禹錫傳應有神物護持皇

甫茂政詩回首姑蘇是白雲廢壘見遇南廂園叟左

傳昭十六年斬之蓬蒿藜藿杜牧之詩折戟沉沙鐵

未銷白骨見閬州行岑參詩昨夜秋雨洗宋書武帝

紀以虎魄治金創二統志渭水在西安府北杜詩清

渭無情極愁時獨向東蘇詞無情汴水自東流黃庚

詩數點殘鴉雜雁飛一統志藍田縣在西安府東南九

十里青史見又咏古王介甫詩細磨碑薜認前朝

後漢書注赤眉賊帥樊崇等銅嗚呼材官鐵騎看如雲

馬賊帥東山荒秃上淮况等

不降卽走徒紛紛尚書養士三十載一時同死何無人

至今唯說喬參軍末段賁同死者少正以見參軍可貴

韓安國傳安國為材官將軍應劭曰材官有材力○漢書

騎見琵琶行李少卿答蘇武詩猛將如雲魏書鄭羲

傳張超食已盡不降當走武詩世上兒子徒紛紛養

士見葺城行同死見臨江參軍李涉詩逢人唯說

王貽上曰梅村作雁門行云至今唯說喬參軍梅菴云襄陽并殺邱公子孫公得此二人可不憾矣陸雲士曰雁門尚書篇以龍門之筆行之韻語洵詩史也梅村先生長歌甚多率皆琵琶長恨之遺然用意每隱于使事亦是詩家一病未有清真精勁若此章者末句補出參軍大傳中藏一小傳真一語千鈞矣原評孫公先擒高迎祥後幾滅李自成當時可倚以平賊者惟盧忠烈公與孫公自二公為權臣所抑先後死而明遂亡矣詩中詳叙生平與本傳表裏惟公之敗也由于權幸催戰軍無見糧又大兩七日夜不止此大關係詩中再醒出幾語尤能動人雁門尚書曾賦歸興云風塵事事不堪論回首雲山斷客魂四海勞民皮已盡三年傲吏骨猶存倦思縮地歸南墅愁欲呼天賦北門奄忽故園春又暮空教青鬢負華樽此詩載垂棘編惻怛之思駭髒之氣溢于言表可以想見其為人

吳詩集覽

卷六

贈馮訥生進士教授雲中

山西通志訥生代州人方伯如京子也就大同

教授歷四州  
提學僉事

并州馮郎長吳越桐江風雪秦淮月不烹羊酪敵蓴羹

肯拈蘆管吹桃葉

起四句言納生北人而長于南也○周禮職方氏正北曰并州一統志太原

原府周并州域又代州屬太原府雍正二年升為直隸州更記馮唐傳為中郎署長此借用

浙江入桐廬縣界流九十里至桐君山下合桐溪亦曰桐江又秦淮經上元縣東南入通濟門橫貫江寧府城

中西出江寧縣三山水門別見閩江東何以敵此陸機詣王武子武子前置數斛羊酪曰卿江東何以敵此陸云

有千里蓴羹但未下鹽豉耳樂府雜錄云宣宗善吹蘆管自製此曲王叔齋籟紀邊笳者胡人捲蘆葉吹之作聲也六朝事迹桃葉渡在秦淮口桃葉者晉王獻之

愛妾名也其妹曰桃根獻之詩曰桃葉復桃葉渡江不

用楫不用楫者謂橫波才同顧陸與溫邢俠少風流擅急也常臨此渡歌送之

絕倫名士有誰甘作諾丈夫何必尚專城四句引起教授○左太冲

吳都賦顧陸之裔孔齊書邢邵傳與齊陰溫子昇為文士之冠世論謂之溫邢吳志魯肅傳將輕俠少年百餘人覆漢書樊英傳論漢世之所謂名士者其風流可知矣絕倫見哭志衍南史張緒傳嘗私謂人曰一生不解作諾有以告袁粲褚彥回者由是出為吳郡太守專城見攀清湖乞得一氊還故土

欲化邊人作鄒魯余笑謂君且歸去不信廣文今廣武絳帳懸弓設豹侯講堂割肉摻鼉鼓擊磬新調塞上歌

投壺却奏軍中舞文籍先生上谷儒游閒公子河東賈亂定初聞闕里鐘時清不用平城弩雁門太守解將迎

吳詩集覽 卷六上 大

馬邑名豪通訓詰烏桓年少挾雕弧射得黃羊供束脯

此段點明教授而以雲中作渲染也○晉書王獻之傳青氊我家舊物陳敬初詩肯使先生老一氊故土見行路難梁簡文帝請入學表鄒魯之鄉可貴唐書鄭虔傳上增國學置廣文館以居賢者令後世言廣文博士自君始不亦美乎虔乃就職時號鄭廣文一統志廣武故城在代州西十五里山西通志廣武城在馬邑縣南八十里張如哉曰廣武在代州西北五十五里統志

誤後漢書馬融傳常坐高堂施絳紗帳前授生徒後列女樂侯鮪錄月如懸弓少雨周禮天官司裘王大射則共虎侯熊侯豹侯設其鵠後漢書禮儀志養三老五更皆齋于太學講堂史記陳丞相世家方其割肉俎上之時其意固已遠矣舌歌邊城宴開漁陽摻黃塵蕭蕭白雨生行後漢書桓榮傳詔諸生雅吹擊磬齊書見楚兩生行後漢書桓榮傳詔諸生雅吹擊磬齊書蘇侃傳太祖作寒客吟曰粵擊秦中之筑因為塞上之歌禮授壺之禮主人奉矢司射奉中使人執壺後漢

歌

歌

書祭遵傳遵爲將軍取士皆用儒術對酒設樂必雅歌

投壺史記項羽紀軍中無以爲樂請以劍舞晉書王

沉傳號沉爲文籍先生一統志宣化府秦上谷郡地接

國初宣化隸山西漢書貨殖傳宛孔氏之先梁人

也因通商賈之利有游圃公子之名北史魏宗室傳贊

河東俗多高賈南史循吏傳序及定亂之始仍下寬

書一統志關里在曲阜縣城中季少卿答蘇武書策

名清時綱目質實平城秦之縣名屬雁門郡故城在大

同府城東五里一統志平城在大同縣北雁門守詳

送紀伯紫往太原將迎見蓉清湖通鑑綱目漢武帝

元光二年雁門馬邑豪聶壹史記作聶翁壹名豪見茸

城行訓詁見哭志行一統志烏桓故地本東胡也或

處漠南塞散居緣邊諸部張道濟詩雕弧月上唐

書張說傳吾肉非黃羊不畏其食雞肋編關右塞上有

黃羊無角色同麀鹿淮南男兒作健羞幫展拂雲堆上

子趙宣孟以求脯免其軀

吹橫笛低頭博士爲萬卷撫掌封侯空四壁憶昔扁舟

吳詩集覽

卷六

上

五

醉石頭別來幾夢南徐客隱囊塵尾燒却盡長缺純鈞

看自惜學就吳趨恐未工注成晉問無人識前四句就

而申言之與何必尚專城一段相應後六句回寫舊遊

與并州吳越相應○男兒作健見哭志行北史邢巒傳

蕭深藻帮屐少年杜牧之詩拂雲堆上祝明如一統

志拂雲堆在吳喇忒旗西北一百九十里蒙古名烏朱

爾挿漢張見蹟詩還同橫笛吹低頭見讀史雜詩漢

書百官表武帝建元五年初置五經博士晉書劉惔

傳一坐撫掌大笑封侯見又咏古四壁見送周子叔

石頭見哭志衍綱目據實晉于淮南僑立徐州又分

淮北爲北徐州劉宋改北徐州爲徐州而加淮南徐州

曰南徐州隱囊見後東臯歌南史陳顯達傳塵尾蠅

拂是王謝家物不須捉此自隨卽取於前燒除之戰

國策馮煖曰長鋏歸來乎越絕晝客有能相劍者名薛

燭越王召而問之曰吾有寶劍五請以示之乃召掌者

取純鈞吳趨見王郎曲晉書王羲之傳若猶以前事

爲未工柳子厚晉問吳子問于柳先生曰先生晉鳴人也晉之故宜知之曰然然則吾願聞之可乎曰可

呼五湖烟水憶鱸魚落木天高好寄書塞雁不歸花又

發故人消息待何如

此足上文之意而欲訥生寄聲通問也○溫飛卿詩五湖烟水獨忘

機世說張季鷹辟齊王東曹掾在洛見秋風起因思吳中菰菜羹鱸魚膾

猿嘯哀盧仝詩回雁峯前好寄書落木見送何省齋程詩風急天高

暮塞鴻歸薛元卿詩人歸落雁後思發在花前

### 雕橋莊歌

并序

高邑趙忠毅公爲雕橋莊記曰吾郡梁太守有

雕橋莊在郡西十五里大茂諸山之東前臨滹

沱西韓二水東爲大門表之曰尚書里有樓曰

### 吳詩集覽

卷六上

三

蓮渚仙居有堂曰壽槐槐可四十圍相傳數百

年物太宰功成身退徜徉於此者二十年今其

孫慎可讀書其中自號爲西韓生云此忠毅家

居時所作也

畿輔通志雕橋在正定縣城西十五里韓河上名勝志橋下有穴十

數狀似雕鑿泉湧不息環流於城故名梅村梁

西韓墓誌先業在雕橋莊有古柏四十圍趙忠

毅嘗過而憇焉

明史趙南星傳字夢白高邑人代張問達爲吏部尚書魏忠賢矯旨責南星

等朋謀結黨南星求去復矯旨切責放歸尋以

汪文言獄詞連及戍南星代州莊烈帝登極有

詔赦還巡撫牟志夔忠賢黨也故遲遣之竟卒於戍所崇禎初贈太保謚忠毅明史梁夢龍傳字乾吉真定人嘉靖進士神宗十年六月吏部尚書王國光劾罷夢龍代其位致仕家居十

九年卒天啟中越南星頌其邊功贈少保崇禎末追謚貞敏

〔一〕統志大茂山在正定府阜平縣東北七十里

〔二〕畿輔通志西韓河在正定縣西二十里源出大鳴泉西南流入滹沱

〔三〕魏可四十圍墓誌曰古柏四十圍疑是兩樹然以詩徵之當從魏字

〔四〕史記蔡澤傳成功者退

〔五〕退之送李愿歸盤谷序終吾生以徜徉

〔六〕西韓墓誌公諱維樞字慎可別號西韓生正定人其先徙自蔚州七世

至太宰貞敏公始大 公後拜吏部尚書視梁

公以同郡為後繼竟因黨禍戍代州死慎可以

孝廉入中翰余始識之知其為趙公安尋以齟

齟去相別十餘年今起官水部家門蟬冕當代

莫與比焉余以其名山別墅亂後獨全高門遺

齟去相別十餘年今起官水部家門蟬冕當代

莫與比焉余以其名山別墅亂後獨全高門遺

吳詩集覽 卷六 上

老晚節最勝雕橋盛事自太宰以來百餘年於

此矣是可歌也為作雕橋莊歌

西韓墓誌夢白者高邑趙忠毅

公隆萬中所推真定兩太宰也時以小選家居

講道指授生徒公執經往侍遂為入室弟子久

之用吏部銓考授內閣撰文中書舍人擢任工

部主事從尚書吳橋范文貞公請也

〔一〕天元經其志齟齬

〔二〕西韓墓誌余與公定交於先朝比

去京師十五年宿素已盡

〔三〕南史何遜傳天監

中兼尚書水部郎按工部有都水清吏司

〔四〕池北偶談真定梁公清寬清遠清標兄弟相繼為

吏部侍郎清標歷戶禮兵刑四部尚書大拜清

寬清標皆給事中維本子清遠山東僉事維樞

子皆前吏部尚書夢龍曾孫南齊書庾杲之傳

杲之為蟬冕所照更生風采別墅字出晉書謝

安傳

〔五〕史記樊鄴傳贊吾適豐沛問

其遺老

〔六〕晚節字出史記外戚世家

常山古槐千尺起雕橋西畔尚書里偃蓋青披大茂雲  
扶疎響拂韓河水水部山莊遶碧渠彈琴長嘯修篁裏  
今年相見在長安據鞍却笑吾衰矣盡道新枝任棟梁  
不知老幹經風雨從雕橋莊直起而以古槐點染生姿  
吾衰矣暗照篇末頭白尊前意○綱  
目質實常與恒同山在正定府曲陽縣西北一百四十  
里隋書房陵王勇傳古槐尤堪取火墨客揮犀蘇伯  
材奏議云凡欲松偃蓋極不難栽時當去松中大根惟  
留四旁鬚根則無不偃蓋陸士衡連珠披雲看霄韓  
非子木枝扶疎將塞公閭季公垂詩海燕參差拂水迴  
陳去非詩門前流水過春意滿渠碧王詩獨坐幽  
篁裏彈琴復長嘯據鞍見雁門尚書行張見蹟衰  
桃賦風落新枝晉書孫楚傳但承無棟梁用耳戴復  
古詩老幹百年久自言年少西韓生幽并豪俠皆知名酒酣箕

吳詩集覽 卷六 上

踞聽鼓瑟射麋擊兔邯鄲城天生奇質難自棄一朝折

節傾公卿

自言二字直貫篇末此段言西韓年少任氣  
而以折節傾公卿引起高邑也○幽并見遇

劉雪舫

酒酣見贈吳錦雯箕踞見行路難杜詩野

飯射麋新漢書賈山傳擊兔伐狐一統志邯鄲故城在

今邯鄲縣西南百詩天生麗質難自棄一當時海內

朝選在君王側

戰國策主折節以下其臣 當時海內

推高邑趙公簡重稱相得才地能交大父行戶浪襟期

雅負名賢識公曾過我讀書處笑倚南樓指庭樹歸田

太宰昔同游廿載林泉共來去此是君恩優老臣後來

吾輩應難遇

此段從傾公卿側出高邑而言高邑曾遊  
趙州西南五十里此莊并述高邑語也○一統志高邑縣在

重自居史記魏其侯傳相得驩甚才地見蕭史青門

曲史記教當時傳其游知交皆其大父行天下有名之士也程詩時赴鄭老同襟期名賢見送何省齋南樓見送志衍入蜀古詩庭中有奇樹歸田見贈家侍御北史韋夔傳所居之地枕帶林泉戰國策左師

觸讐曰老臣病足每思此語輒泣然知已投荒絕塞

天同是家臣恩數異傷心非復定陵年黃巾從此成貽

禍青史誰來問斷編鉤黨幾家傳舊業干戈何地着平

泉此段悲高邑而并紀闖寇也舊業平泉為雕橋莊作反襯禮孔子泣然流涕孟詩投荒法未寬駱賓

王詩交河浮絕塞忠經家臣于君可謂一體宋史孝宗紀趙鼎范冲并還恩數明史神宗紀葬定陵黃

巾見雜陽行青史見又咏古劉夢吉詩依舊西窻理

斷編鉤黨見讀史雜詩左太冲詩金張藉舊業

大清一統志平泉莊在正定府贊皇縣西北

張楞村唐李德裕游息之所今為玉泉寺 我有山莊

幸如故老樹吟風自朝暮磐石寧容蟲蟻穿斧斤不受

樵蘇誤鈴索高齋擁賜書名花異果雕欄護綠萼紅蕖

水面開門前卽是鳴騶路子弟傳呼干騎歸不教鞍馬

驚鷗鷺此段幸雕橋莊之無恙也老樹吟風仍不脫古槐意○山莊見清風使節圖杜詩老樹飽經

霜吟風見清風使節圖劉文房詩東流自朝暮樵蘇見

文帝紀所謂磐石之宗也蟲蟻見送何省齋樵蘇見

蘆洲行天寶遺事唐寧王春時紐紅絲為繩綴金鈴

繫花梢上以驚鳥雀號護花鈴高齋見汲古閣歌漢書

序傳家有賜書名花見遇劉雪舫補注後漢書桓榮

傳詔賜奇果雕欄見宮扇爾雅郭注禹適實梁簡文

詩紅葉間青瑣杜詩水面月出藍田關南史劉漑傳

每歲時恒鳴騶枉道以相存問西韓墓誌公之諸子鳴

騶夾道傳呼見蕭史青門曲駱賓王詩羅敷使君干

騎歸鞍馬見哭志衍祖孝徵詩乍見驚鳴起白詩風

吳詩集覽 卷六上



靜下 鷗鷺 年年細柳與新蒲 糝點溪山入畫圖 四海烽烟喬

木在一窻燈火故人無相逢只有江南客頭白尊前伴

老夫 此段以咏嘆作結蒲柳喬木映合古槐南客頭白是從西韓口中點出梅村作詩也○杜詩新蒲細

柳為誰綠 糝點見龍腹竹歌 陸魯望詩一窻有餘明 百詩又作江南客 老夫見送何省齋

序中以高邑為主蓋雕橋莊乃高邑所記而於西韓亦重其為趙公交名山別墅亂後獨全高門遺老晚

節最勝幸太宰處在言內而悲高邑處在言外矣家門蟬冕乃以餘筆及之非作詩本意也詩中前後似

於亂後獨全家門蟬冕三致意焉然首從古槐說起取徑自別而以自言二字直貫通篇則林泉鞍馬祇

西韓意口中語而作者胸襟正別有在也於此見作詩身分

海戶曲 原註南海子周環一百六十里有海戶千

人 明史武宗紀十一年錄自宮男子三

吳詩集覽 卷六 上 茵

千四百餘人充海戶 天清一統志南海子在京城永定門外二十里亦名南苑方一百六十

十里元為下馬飛放泊明永樂中增廣其地以為蕃養禽獸種植蔬果之所

大紅門前逢海戶衣食年年守環堵收蓁腰鎌拜嗇夫

築場貰酒從樵父不知占籍始何年家近龍池海眼穿

七十二泉長不竭御溝春暖自涓涓 點出海戶總寫一段○高澹人扈從

西巡日錄南紅門內海子元時為飛放泊我 朝建新宮二宮東西對峙相去二十里仍設海戶一千八百人

守視人給地二十四畝自食其力 禮儒有一畝之令環堵之室 史記蕭相國世家上林中多空曠地願令

民得入田毋收藁為禽獸食鮑詩腰鎌刈葵藿書嗇夫馳 詩九月築場圃 史記高祖紀常從王媪武負貰酒

注貰賒也 儲光羲有樵父詞 漢書宣帝紀流民自占八萬餘口 師古曰占者謂自隱度其戶口而著名籍也

沈雲卿有龍池篇冠詩古老相傳是海眼

大壑之爲物也注焉而不滿酌焉而不竭御溝見青

門曲淵明歸去來辭泉涓涓而始流平疇如掌催東作水田漠漠江南樂

鴛鴦鷺鷥滿烟汀不枉人呼飛放泊原注南海子有水泉七十二處元之

飛放後湖相望築三山兩地神州咫尺間原注以西苑後湖名海子

故此遂使相如誇陸海肯教王母笑桑田蓬萊樓閣雲

霞變瞭鷹臺上何王殿原註瞭鷹臺元之仁虞院也當使大學士提調之鷹鷺皆用先

朝舊壘改作傳說新羅玉海青星眸雪爪飛如練原註玉海

青卽白詐馬筵開搗酒香原註元有詐馬宴割鮮夜飲仁虞院

鷹也

二百年來話大都平生有眼何曾見頭白經過是舊朝

吳詩集覽

卷六

上

春深慣鎖黃山苑原註典守唯聞中使來樵蘇輒假貧

民便以上言元之飛放泊至明而大異也○陶詩平疇交遠風沈雲卿詩秦地平如掌書平秩東作

詩漢漠水田飛白鷺江南樂見琵琶行駕鴛鷺見彈琴

歌本草鷺鷥水鳥也陸務觀詩寄懷魚鳥卧煙汀史記秦始皇紀徐市言海中有三神山曰蓬萊方丈瀛洲

漢書揚雄傳武帝營建章鳳闕漸臺泰液象海水周流

方丈瀛洲蓬萊更記孟子傳騶衍以爲中國名曰赤縣神州左傳注八寸曰咫

皇城內太液池南卽明西苑也漢書東方朔傳天

下陸海之地神仙傳麻姑云接待以來已見東海三

爲桑田按相如王母字皆借用唐會要大明宮龍朔

三年號曰蓬萊宮江詩雲霞冠秋嶺一統志瞭鷹臺

在永定門外南海子內大興縣界也元史武宗紀至大

元年二月立鷹坊爲仁虞院帝京景物略海子中有殿

殿旁瞭鷹臺臺臨三海子築七十二橋以渡元之舊也

何王殿見避亂第六首南史新羅國傳新羅在百濟

豈

東南五十餘里柯敬忠官詞元戎承命獵郊坰勅賜新

羅玉海青狂詩金眸玉爪不凡材謝元暉詩澄江淨

如練楊和吉詩自注云每年六月三日許馬筵席盛

陳奇獸漢書禮樂志給大官桐馬酒注以馬乳爲酒撞

桐乃成也班孟堅西都賦割鮮野食詩厭厭夜飲元

京景物略元時有仁虞院蓄獸之地即今南海子

史劉秉忠傳帝命秉忠相地于桓州東灤水北名曰開

平繼升爲上都而以燕爲中都八年以中都爲大都一

統志元太祖十年置燕京路總管大興府至元九年改

曰大都眼見見遇南廂圍叟庚詩漢使絕經過

春深見鴛湖曲漢書霍光傳張圍獵黃山苑中一統志

黃山宮在西安府興平縣西南參同契典守茲期梁

書徐勉傳二宮并降中使樵蘇見蘆洲行芳林別館

漢書宣帝紀又詔池籩未御幸者假與貧民記得尚方

百花殘廿四園中爛熳看原註南海子有二十四園係明時制

初薦品東風鈴索護雕闌葡萄滿摘傾筠籠蘋果新嘗

吳詩集覽 卷六 上 共

捧玉盤賜出宮中公主謝分遺賜侍臣餐一朝剪伐

生荆杞五柞長楊悵已矣野火風吹螞蟻墳原註海子東南有螞

蟻墳每清明日枯楊月落蝦蟆水原註玉泉一名蝦盡

數萬皆聚於此墓泉流入海子以上言明之南海子

道千年苑囿非忽驚萬乘車塵起至本朝而又異也

○張平子東京賦濯龍芳林司馬長卿上林賦離宮別

館彌山跨谷庚詩紫穗百花開高澹人扈從西巡日

錄南海子明永樂年設二十四園以供花果上林賦麗

靡爛熳于前尚方見讚佛詩文通謝開府辟召表薦

品在官鈴索見雕橋莊歌雕闌見宮扇羣芳譜葡

萄一名蒲桃一名賜紫櫻桃杜詩野人相贈滿筠籠

羣芳譜蘋果出北地燕趙者尤佳果如梨而圓滑生青

熟則半紅半白或全紅梁簡文帝詩玉盤余自嘗公

主見蕭史青門曲王詩芙蓉闕下會千官宋延清詩

花落侍臣衣剪伐見蓉清湖杜詩千村萬落生荆杞

五柝見哭志行長楊見讚佛詩陳伯玉詩霸圖悵已矣百詩野火燒不盡春風吹又生帝京景物略海子西北隅歲清明日蟻集成邱中一邱高丈旁三四邱亦數尺竟日乃散去土人目為螞蟻墳爾雅注大螳卽馬螳也易枯楊生稊畿輔通志玉河卽西苑所受玉泉注入西湖透迤從御溝而東以注于大通河按遼史地理志引丁令威歌去家千年今來歸城郭雖是人民非盡道句暗用之穀梁傳車軌塵馬候蹄雄圖

開國馬蹄勞將相風雲劍架高帳殿行城三十里旌旗

獵獵響鳴鞘朝鮮使者奇毛進白鷹刷羽霜天勁舊跡

凌歊好放鵬荒臺百尺登臨勝俊鵠重經此地飛黑河

講武當年盛弔古難忘百戰心掃空雉兔江山淨此言現在

南海子之盛晉書武帝紀贊斷雄圖於議表易開國承家馬蹄見行路難五代史王重師傳善劍槩沈

吳詩集覽 卷六 上 芑

休文詩帳殿臨春禦北史何稠傳初稠制行殿及六合城帝于遼左夜中施之其城周迴八里比明而畢季

詩雲旗獵獵過潯陽又金鞭拂雪挿鳴鞘大清一統志朝鮮在盛京東一千八百里其貢道自鳳凰城至京師三千九十六里杜詩不惜奇毛恣遠遊元史答

黑麻傳特賜白鷹以表其貞廉梁簡文帝詩刷羽向沙洲詞名有霜天曉角廣輿記凌歊臺在太平府黃山巔劉宋建離宮於此金史章宗紀詔百姓不得放羣鷗

李詩舊苑荒臺楊柳新季君虞詩更在秋風百尺臺登臨見送志行人蜀杜詩俊鶻無聲過元史阿塔

海傳常從太祖同飲黑河水一統志裏遂黑河在牧廠東南界土人名額伯里遂黑河外遂黑河在牧廠東南界土人名阿祿遂黑河國語三時務農而一時講武

百戰見蘆洲行薩天錫詩雨過江色淨王詩天寒遠

山新豐野老驚心目縛落編籬守麋鹿兵火摧殘淚滿

衣昇平再覩修茅屋衰草今成御宿園豫游只少千章

木上林丞尉已連催灑掃離宮補花竹此段收到海戶與起處相應

百詩新豐老人八十八心目見西田詩 百詩新開籬

落間編籬見松鼠 兵火見遇南廂園叟摧殘見松鼠

琴參詩雪裏題詩淚滿衣 昇平見琵琶行晉書羅含

傳于城西小洲上立茅屋 沈休文詩衰草無容色

元帝詩交柯御宿園 漢書貨殖傳木千章竹竿萬个

又百官公卿表上林有八丞十二尉 元詩須臾覓得

又連催 雜 人生陵谷不須哀蘆葦陂塘雁影來君不

官見讚佛詩

見郭杜西風蕭瑟裏丹青早起濯龍臺此段收束全篇

深谷為陵 常建詩夜寒宿蘆葦社詩陂塘五月秋評

仲晦詩波澄雁影深 天清一統志郭縣故城在今

郭縣治北杜陵故城在咸寧縣東南蕭瑟見彈

琴歌 張平子東京賦濯龍芳林正濯龍池名

按郭縣志馬家莊飛放泊在縣城北八里南新莊飛

放泊在縣南二十五里栲栳堡飛放泊在縣西南二

### 吳詩集覽 卷六上

十五里則不止南  
海子有此稱也

退谷歌原注贈同年孫公北海 孫北海春明夢

餘錄京西之山為太行第八陁自西南蜿

蜒而來近京列為香山諸峯乃層層東北轉至

水源頭一澗最深退谷在焉周樸園尺牘新抄

孫承澤字北海上林苑籍山東益都人 一統志

承澤大興人歷官吏部侍郎乞休築退谷於西

我家乃在莫釐之下具區之東洞庭烟鬢七十二天際

杳杳聞霜鐘豈無巢居子長嘯呼赤松後來高卧不可

得無乃此世非洪濛元氣茫茫鬼神鑿黃虞既沒巢由

窮此段從自己說起言江南本多勝地而明之末季竟  
無樂土也 姑蘇志莫釐山以在洞庭之東稱東洞

庭山周迴八十里季詩乃在洞庭之南瀟湘之浦爾雅十數吳越之間有具區漢書地理志吳縣具區澤古人以爲震澤韓詩擢玉紆烟鬢蘇州圖經具區接蘇常湖秀四州界內有大小山七十二洞庭居其一焉天際見送施愚山郭景純山海經注霜降則鐘鳴琴詩餘韻入霜鐘王康琚詩昔在太平時亦有巢居子長嘯見壽龔芝麓列仙傳赤松子者神農時雨師也晉書陶潛傳高卧北窻之下淮南子西窮杳冥之冀東開鴻濛之先說文元氣初分重濁爲地莊子日鑿一竅七日而混沌死黃虞見贈家侍御漢書鮑宣傳堯舜在上

峯仰天四顧指而笑此下卽是宜春宮若教天子廣苑

圍吾地應入甘泉中丈夫蹤跡貴狡獪何必萬里游崆

峒此段點出北海而以逆旅二字接下渾然無迹○左傳僖二年保於逆旅孫登見題高士圖詩攜手同

吳詩集覽 卷六上

苑

行徐無見高士圖史記滑稽傳淳于髡仰天大笑莊子爲之四顧漢書元帝紀初元二年罷宜春下苑假與貧民顏師古注宜春下苑卽今京城東南隅曲江池是括地志宜春宮在萬年縣西南三十里漢書東方朔傳廣狐兔之苑史記高祖紀請故秦苑園池皆令人得田之甘泉見讚佛詩老學菴續筆記麻姑傳王方平曰吾子不戲作狡獪事蓋古語謂戲爲狡獪莊子黃帝立十九年聞廣成子在崆峒之上齋居三月往見之明統志崆峒山在平涼府西三十里上有問道宮君不見抱石沉焚山死被

髮伴狂棄妻子匡廬峰成都市欲逃名姓竟誰是少微

無光客星暗四皓衣冠只如此使我山不得高水不得

深鳥不得飛魚不得沉武陵洞口聞野哭蕭斧斫盡桃

花林仙人得道古來宅劫火到處相追尋不如三輔內

此地依青門非朝非市非沉淪鄠杜豈關蕭相請茂陵

不厭相如貧此總承上兩段自抱石焚山至劫火追尋即首段高卧不可得意自三輔至鄠杜茂

陵即次段吾地入甘泉意晉史乘介子推去而之介山之上文

公使人求之不得以為焚其山宜出及焚其山遂不出

而死冥越春秋子胥之吳被髮佯狂匡廬見贈蒼

雪漢書王貢兩龔傳序蜀有嚴君平卜筮于成都市

注法真傳逃名而各我隨少微客星見讀西臺記

日詩高士傳四皓者皆河內軹人也或在汲餘見廿五

漸高鳥臨水愧遊魚桃花源記武陵人捕魚為業緣

溪行忽逢桃花林林盡水源便得一山山有小口野哭

見楚兩生行桓譚新論以强秦之勢伐弱韓譬猶礪

蕭谷以伐苗也淮南子昔者馮夷得道以潛大川紺

且得道以處崑崙劫火見行路難追尋見題河渚圖

三輔見送沈繹堂左馮翊注青門見青門曲王

吳詩集覽卷六上

康瑀反招隱天隱隱朝市沉淪見遇劉雪舫鄠杜見

海戶曲史記蕭相國世家相國因為民請曰長安地狹

上林中多空地願令民得入飲君酒就君宿羨君逍遙

田茂陵相如見送何省齋

之退谷花好須隨禁苑開泉清不讓温湯浴中使敲門

為放鷹羽林下馬因尋鹿我生亦胡為白頭苦碌碌送

君還山識君屋庭草彷彿江南綠客心歷亂登高目噫

噫乎歸哉我家乃在莫釐之下具區之東側身長望將

安從此段贊羨退谷仍用自已作結與起處相應本是

逆旅相逢故云送君還山而彷彿江南則已引入

莫釐峯矣風水相遭而成文令人不可思議李詩飲

君酒為君吟逍遙谷見茸城行琴參詩昨日花正

好班孟堅西都賦西郊則有上園禁苑杜詩在山泉

水清唐書高祖紀壬子獵於驪山甲寅至自温湯中

中

中

中

中

中

中

中

中

中

使見海戶曲賈閣仙詩僧敲月下門逸史道宗紀御製  
放鷹賦羽林見雒陽行高遠夫詩送君還山識君

心王承基詩庭草無人隨意綠邱希範與陳伯之書

暮春三月江南草長張道濟詩客心爭日月鮑詩歷

亂如覃葛李詩噫噓墟危乎高哉

側身見送何省齋

王承基庭草無人隨意綠茗溪漁隱許其以一句名  
世然子山細草橫階隨意生已在承基之前承基句

似更韻耳温飛卿芳蘭無意綠則又翻一意也

### 贈文園公

居易錄輪庵和尚名同揆明相國文文  
肅弟震亨之子少為諸生名果字園公

沈歸愚師曰同揆字輪菴江南吳縣人滄桑後  
逃於禪所為詩皆人倫日用盛衰興廢之感墨

名儒行斯  
人有焉

君家丞相人中龍屈申時會風雲空廬陵忠孝兩賢繼

### 吳詩集覽

#### 卷六 上

世

待詔聲名累葉同致主絲綸三月罷傳家翰墨八分工

此從文肅說起兼詳其家世○明史文震孟傳字文起

吳縣人待詔徵明曾孫也崇禎收元擢禮部左侍郎兼

東閣大學士福王時追謚文肅晉書宋纖傳酒泉太守

馬岌造之不見曰人中龍也按詩似用史記老子傳意

漢書宣帝紀時會朝請廬陵見讀西臺記按廬陵

忠孝蓋本張宏範丞相忠孝盡矣之語兩賢繼則林與

森也朱錫鬯處士文君墓誌文氏之先自廬陵徙衡州

復自徐徙杭居吳又曰修文氏族譜本温州守之訓謂

人立身自有本未出處自有據依何必附丞相信公以  
為重故自蘇州分派始按此則信國其遠祖也汪荅  
文文肅公傳先世自衡屢遷始定居於蘇有諱林者  
偕其弟森後先舉進士林官至温州知府森巡撫都御  
史林生翰林待詔徵明徵明生國子博士彭彭生衛輝  
同知贈左諭德兼侍講元發元發生公在內閣不滿三  
月雖屢見寵顧而受同官排陷訖未有所設施後漢書  
耿弇傳耿氏累葉以功臣自終應休璉與從弟書思



致君於有虞杜詩欲知世掌絲綸美傳汝父翩翩相  
家見觀通天帖翰墨八分見送沈釋堂

公弟詞場跌宕酣聲伎才大非關書畫傳門高不屑公

卿貴老向長安作布衣主知特達金門戲此段歸重啓美而以主知

特達引出下文○史記平原君傳贊翩翩濁世之佳公子也明詩綜文震亨字啓美崇禎中官武英殿中書舍

人竹垞詩話啓美相君介弟名挂黨人之籍後以善琴

供奉思陵詞場見哭志行三國志簡雍傳性簡傲跌

宕南史張欣泰傳聲伎雜藝頗多開解才大見哭志

衍書畫傳見觀法帖唐書柳玘傳門高則自驕禮

圭璋特達王子淵四子講德論特達而相知者千載之一遇也史記滑稽傳旁有銅馬故曰金馬門揚子雲解

■門上玉堂有日矣先帝齋居好鼓琴相如召入賜黃

金大絃張急宮聲亂識是君王宵旰心為君既難臣亦

苦龜山東望思宗魯左徒憔悴放江潭忠愛惓惓不忘

楚可惜吾家有逐臣曲終哀怨無人補欲譚治道將琴

諫審音先取宮商辨怡神玉几澹無為雲門樂作南薰

殿君臣朋友盡和平四海熙然致清晏聖主聞聲念舊

臣名家絕藝嗟稱善此正寫啓美以琴供奉之事中間

高頰傳惟齋居讀佛經而已漢書司馬相如傳字長

卿蜀郡成都人也臨邛令前奏琴曰竊聞長卿好之文

上讀子虛賦而善之乃召問相如文選長門賦序陳皇

后別在長門宮問司馬相如天下工為文奉黃金百斤

而相如為文以悟主上按此詩蓋攢簇用之史記田

敬仲世家騶忌子曰夫大絃濁以春温者君也禮宮亂

則荒韓詩外傳治國者譬若乎張琴然大絃急則小絃

吳詩集覽 卷六 上

獨難援詩意兼用晉書桓伊傳拊箏而歌怨詩也龜山在泰安府新

山操子欲望魯兮龜山蔽之一統志龜山在泰安府新

泰縣西南四十里左徒見東萊行憔悴江潭見送杜

敬武史記屈原傳瞻顧楚國繫心懷王不忘欲反漢

書劉向傳念忠臣雖在缺畝猶不忘君惓惓之義也

逐臣見東萊行漢書司馬相如傳贊曲終而奏雅隋

書音樂志爭新哀怨漢書黃霸傳治道去泰甚者

禮審音以知樂又官為君商為臣怡神玉几見讚佛

詩雲門見琵琶行南薰殿見官扇和平見送周子

俶梁簡文帝詩熙然聊自得江摠持詩清晏留神賞

帖後漢書伏湛傳知湛名儒舊臣名家見觀通天歸

來卧疾五湖雲垂死干戈夢故君綠綺暗塵書卷在春

令原上戴顓墳雍門歌罷平陵曲報韓子弟幾湛族竺

瑀祠堂鬼火紅閨門池館蒼廳宿汝念先人供奉恩抱

吳詩集覽

卷六上

三

琴長向荒江哭滿目雲山入舊圖只今無地安茅屋誰

將妙蹟享年金後人餒死空山麓此段言國變後文肅

艱苦備嘗也後漢書劉翊傳翊常守志卧疾五湖見

贈家侍御元詩垂死病中驚坐起綠綺見下玉京

歌詩春令在原兄弟急難南史戴顓傳字仲若譙郡

姪人也父逵善琴書顓及兄勃並受琴于父出居吳下

吳下士人共為築室桓譚新論雍門周以琴見孟嘗

君孟嘗君曰先生鼓琴亦能令文悲乎雍門周引琴而

鼓之徐動宮徵叩角羽終而成曲孟嘗君獻歎而就之

平陵曲見讀西臺記報韓見又咏古明史震孟二子

秉乘乘遭國變死於難湛族見讀西臺記按蘇州府

志三講官祠在虎邱二山門外祀文肅姚文毅陳文

莊靜志居詩話姜如須葬西山之竺鵬西山屬吳縣文

肅祠堂多竺塢其專祠也杜詩丞相祠堂何處尋文宋

瑞正氣歌陰房閭鬼火閨門見送志行入蜀池館見

吳正氣歌陰房閭鬼火閨門見送志行入蜀池館見

抱琴來狂詩見月荒江渺季巨山詩山川滿目淚沾

衣雲山見閬州行南史裴子野傳子野在禁省十餘

年無宅借官地二畝起茅屋數間續世說魏野贈寇萊

公詩有官居甬尊無地起樓臺妙蹟見觀萬歲通天

帖魏文帝典論家有敝帚享之千金杜詩那知餓死

填溝壑下和怨歌空山歛歔泣龍鍾杜詩亭午下山麓

與君五世通中表相國同朝悲宿草尋山結伴筍輿游

汝父平生與我好君才調擅丹青畫舫相逢說死生

君不見信國悲歌青史裏古來猶子重家聲此段說到

文肅啟美園公層層收到信國悲歌仍回映廬陵忠孝交情世講

也○宋書翟法賜傳雖鄉親中表莫得見也又劉敬宣

傳中表異之禮朋友之墓有宿草而不哭焉南史

謝靈運傳尋山陟嶺必造幽峻石企喻曲結伴不須多

■筍輿見廿五日詩筍屨注杜詩汝與山東李白好

才調見永和宮詞丹青見西田詩蘇詩全家依畫

吳詩集覽 卷六上 廿

舫宋史文天祥傳益王昀衛王繼立加天祥少保信

國公悲歌見臨江叅軍仇滄柱曰文山當南宋訖錄繫

身赴燕家破國亡而作六歌其詞哀以迫青史見又咏

古猶子見送杜敬武杜詩輝赫舊家聲阮紫坪曰信

國與弟瑩同榜進士弟仕元至安撫使空坑之敗信國

子失去無存後以弟之子為嗣元仁宗以信國盡節官

其子

集賢 輪菴粵湖篇序丁丑戊寅間先公受知於烈皇帝遵

旨改撰琴譜宣定五音正聲被諸郊祀上自製五建

皇極百僚師師諸曲命先公付尹紫芝內翰翻譜鈞

別時司其事者內監琴張張奉命出官嬪褚貞娥等

禮內翰為師指授琴學頒賜紫花御書酒果繚葛之

屬極一時寵遇迨闖賊肆逆烈皇帝殉社稷諸善琴

者借投內池內翰恐御製新譜失傳忍死抱琴而逃

南歸謁先公於香草垞言亡國時事甚悉從此二十

九年不復聞音耗矣癸亥秋余在寒溪內翰忽來相

見如夢寐意欲雜染事余學佛余傷之為賦粵湖篇

贈以

吳詩集覽

卷八上

廿五



吳詩集覽卷六下

七言古詩三之下

畫中九友歌

華亭尚書天人流墨花五色風雲浮至尊含笑黃金投

殘膏剩馥鷄林求

原注元宰 尚書始終職仕故就 貴盛處言之○明史文苑傳董其昌

字元宰松江華亭人天啟五年拜南京禮部尚書其畫集宋元諸家之長行以已意瀟灑生動非人力所及也魏畧邯鄲淳見曹植才辯對其所知嘆為天人 李長

古詩紗帷書暖墨花春司馬長卿大人賦焱風涌而雲浮 杜詩至尊含笑催賜金 唐書杜甫傳贊

殘膏賸馥沾丐後人多矣鷄林見汲古閣歌 太常妙

蹟兼銀鈎樂郊擁卷高堂秋直宰欲訴窮雕搜 應作 解

吳詩集覽 卷六下

衣盤礴堪忘憂

原注烟客 太常歸隱西田故就拂衣後言之○烟客見西田詩梅村王烟客

七十壽序先朝論畫取元四大家為宗繇石田山人後宗伯為集其成而奉常畧與相亞王貽上芝罘集序太

常公以風流宏長巋然為江左文獻尤擅者六法寸縑尺素流傳海外世之論者以此黃公望而年壽亦如之

此非烟雲供養不能妙蹟見觀萬歲通天帖書苑晉索靖草書絕代名曰銀鈎蠶尾 烟客七十壽序江南故

多名園其最者曰樂郊北史李謐傳丈夫擁書萬卷漢書馬融傳常坐高堂 莊子若有真宰存焉杜詩真宰

上訴天應泣左太冲魏都賦木無雕鏤 解衣盤礴見六真圖歌 誰其匹者王廉州神

姿玉樹三山頭擺落萬象烟霞收尊爨斑剝探商周得

意換却千金裘

原注元照 元照烟客之族故用蟬聯而下○續圖繪寶鑑王鑿字元照太倉

人善畫山水摹倣董巨者居多鄧孝威詩觀初集元照乃弇州先生之曾孫舊任廉州太守 世說王戎云太

尉神姿高徹如瑤林瓊樹大清一統志三山在吳縣西南水經注太湖有三山按詩意自用封禪書海中

有三神山也陶詩擺落悠悠談萬象見磬清湖烟霞見讀西臺記國語出其尊爰傳古圖上尊曰爰班剝

見遇南廂園叟得意見行路難李檀園著述誇前修詩五花馬千金裘呼兒將出換美酒

丹青餘事追營邱平生書畫置兩舟湖山勝處供淹留

原註長蘅著述則不止於丹青矣故云餘事而書畫雙舉亦見長蘅身分○明詩綜李流芳字長蘅嘉定人萬歷丙午舉人有檀園集著述見送周子倬後漢書劉愷傳景仰前修韓詩餘事作詩人居易錄畫家有兩李營邱北宋李成人皆知之南宋李永亦稱營邱知之者殊少太原王穉登云李營邱以山水擅名為宋畫院第一謂永也黃魯直詩滄江靜夜虹貫月定是米家書畫船宋史章望之傳山水勝處無所不歷淮南王招隱士攀援桂枝兮聊淹留

阿龍北固持雙矛披圖赤壁思曹劉酒

醉灑墨橫江樓蒜山月落空悠悠原註龍友龍友曾任封疆故以健筆形容之而披圖灑墨不脫畫意○張如哉曰阿龍借用世說桓廷尉謂王導語板橋雜記貴陽楊龍友名文驄以詩畫擅名華亭董文敏亟賞之明史地理志丹徒縣北有北固山濱大江又楊文驄傳大清兵臨江文驄駐金山扼大江而守擢右僉都御史巡撫其地還駐京口隔江相持唐書白孝德傳史思明使驍將劉龍仙挑戰孝德擁二矛策馬絕河追斬其首披圖見龍腹竹歌赤壁見壽龔芝麓陸士衡辨亡論曹劉之將非一世所選陳無已詩揮毫灑墨填空虛江樓見姑蘇太守送志行一統志丹徒縣城西江口有蒜山

今僧繇問事不省張兩眸振筆忽起風颼颼連紙十丈

神明道原註爾雅寫爾雅用傲岸之筆問事句奇崛入神○姑蘇見磬清湖圖繪寶鑑張僧繇吳人

梁天監中歷官至右將軍吳興太守以丹青馳譽於時

續圖繪寶鑑張學曾字爾雅會稽人由中書仕吳郡太

吳詩集覽

卷六下

二

守自幼好書畫重交游蘇州府志知府張學曾字約庵  
副榜順治十二年任不省見雒陽行王少伯詩眼  
淚滴深兩眸子瞻畫竹記振筆直遂又詩颺  
颺欲作松風鳴北史崔陵傳恨其精神太道 松圓詩

老通清謳墨莊自畫歸田游一犁黃海鳴春鳩長笛倒

騎烏犍牛

集作犍非犍音字牝牛也 原註孟陽 寫  
孟陽亦先詩後畫後二句即自畫歸田中事

○明史程嘉燧傳字孟陽休寧人工詩善畫稱曰松圓  
詩老後漢書張衡傳王豹以清謳流聲 張邦基墨莊

漫錄序僕性喜藏書隨所寓榜曰墨莊歸田見贈家侍  
御 朱子詩好雨當春過一犁一統志黃山在歙縣西

北黃山志山時有鋪海之奇白雲四合彌望如海潘皆  
山曰歙縣志謂長翰山有松圓閣孟陽棲逸於此傍有

纓絡松則黃海即孟陽故里故云歸田遊也曹詩春鳩  
鳴飛棟 馬季長有長笛賦晉書王獻之傳桓温使畫

扇誤落筆就畫一鳥駁犍牛甚妙按明史倒騎烏犍乃  
袁海叟事此詩所言蓋畫中人也魏書胡叟傳恒乘一

吳詩集覽

卷六

三

犍牛做韋  
袴褶而已

花龕巨幅千峯稠小景點出林塘幽晚年筆

力凌滄洲幅中鶴髮輕王侯

原註潤甫 寫潤甫用和  
平之筆巨幅小景見其無

體不工而凌滄洲輕王侯皆畫中快境○江南通志下  
文瑜字潤甫長洲人工畫山水不名一家生平無定居

爐香茗椀到處自隨吳偉業九友歌有晚年筆力凌滄  
洲幅中鶴髮輕王侯之句沈雲卿詩花龕隱南巒張仲

舉詩我嘗見畫多巨幅于峯見西田詩 袁海叟詩右  
丞小景樹參差我有林塘實似之圖繪寶鑑文瑜善山

水小景頗佳大者罕見 南史王僧虔論書云惟見筆  
力驚異耳李詩詩成笑傲凌滄洲 後漢書鮑永傳注

謂不著冠但幅中束首也原子 風流已矣吾瓜疇一生  
慎詩鶴髮辭軒冕易不事王侯

迂癖爲人尤僮僕竊罵妻孥愁瘦如黃鵠閒如鷗烟驅

墨染何曾休

原註僧彌 僧彌境因故形容近奇○梅  
村邵山人墓誌君諱彌僧彌其字於畫做

宋元性舒緩有潔癖僅僕患苦妻子竊罵終其身不為  
改殆其迂僻如此僧彌長洲人按首句卽風流盡矣之  
意見哭志衍左太冲蜀都賦其圍則有蒟蒻茱萸瓜疇  
芋區蘇詩經營身計一生注史記叔孫通傳弟子  
皆竊罵楚辭寧與黃鵠比翼乎鄭元祐詩詩盟從此  
負閒鷗南史庾肩吾傳徒以烟墨不言受其驅染

原評用飲中八仙歌格而絕異其面目所以可貴

飲中八仙各形容到極奇處方於仙字爲合九友歌  
則以平生交游者言之故不必務爲奇矯如至尊含  
笑黃金投不必如天子呼來不上船之奇也幅中鶴  
髮輕王侯不必如脫帽露頂王公前之奇也然和平  
寫去奇情自在而各爲九友傳神寫照是又梅村之  
畫矣梅村余山詩故人重下拜是曾與仲醇友也  
元宰與仲醇同時而詩中不及仲醇何與

### 銀泉山

天清一統志銀泉山在昌平州東北七  
十里昌平州志銀泉山在大紅門內西明

### 吳詩集覽 卷六

神宗恭恪皇貴妃墓此按顧  
寧人昌平山水記作銀錢山

銀泉山下行人稀青楓月落魚燈微道旁翁仲忽聞語  
火入空墳燒寶衣五陵小兒若狐兔夜穴紅墻縣官捕

玉腕珠襦散草間云是先朝鄭妃墓

起八句點出墓見墓已非昔也○杜

詩赤甲山下行人稀青楓見維陽行魚燈見行路難  
宋書五行志魏明帝景初元年發銅鑄爲巨人二號  
曰翁仲置之司馬門外別見維陽行銅狄註劉夢得  
詩火入空陵化寶衣李公垂詩還同輕薄五陵兒繫  
城山房筆塵唐時給事禁中多名爲小兒如花藍小兒  
飛龍小兒五坊小兒是也狐兔見鴛湖曲昌平州志  
紅門在州城北七里漢書田延年傳幸縣官寬我耳  
沈初明過通天臺上漢武帝表茂陵玉腕遂出人間珠  
襦見永和宮詞王仲宣詩抱子棄草間先朝見清風  
使節圖明史恭恪貴妃鄭氏大興人萬歷初入宮封



貴妃進皇貴妃帝寵之外庭疑妃有立己子謀羣臣爭  
言立儲事章奏累數千百皆指斥宮闈攻擊執政帝槩  
置不問由是門戶之禍大起神宗崩遺命封皇后禮部  
侍郎孫如游爭之乃止崇禎三年七月薨塋銀泉山

覆雨翻雲四十年專房共輦承恩顧禮數繇來母后殊

至尊錯把旁人怒承直中宮侍宴迴血裹銀環不知數

豈有言辭忤大家蛾眉薄命將身悞宮人斜畔伯勞啼

聲聲爲怨驪姬訴盡道昭儀殉夜臺萬歲千秋共朝暮

宮車一去不相隨當時枉信南山劍只今雲母似平生

皓齒明眸向誰如

前八句寫鄭妃之專如後八句漸引到墓上按光宗泰昌元年卽萬歷四

十八年也光宗以萬歷十年生所云覆雨翻雲四十年者光宗既生外庭始爭言立儲詩蓋據光宗生後言之

吳詩集覽

卷六

下

五

耳又按光宗紀九月乙亥朔崩于乾清宮在位一月所云一月昭陽舊恨長者西李居乾清之月也○杜詩翻

手爲雲覆手雨

隋書宣華夫人傳專房擅寵漢書外戚傳成帝遊於後庭嘗欲與班婕妤同輦載史記袁

盎傳上幸上林皇后慎夫人從其在禁中常同席坐及坐袁盎引却慎夫人坐曰臣聞尊卑有序則上下和今

陛下旣已立后慎夫人乃妾妾主豈可與同坐哉按禮數由來母后殊暗用此事禮數見青門曲明史于玉

立傳陛下寵幸貴妃宴逸無度恣行威怒鞭笞羣下宮人奄豎無辜死者千人人夫人懷必死之心而使處肘掖

房闈間倘因利乘便甘心一逞可不寒心承直見雜陽行中宮見永和宮詞高季迪詩明月西園侍宴迴

血裏見東萊行銀鑲見永和宮詞白詩一曲紅綃不知數大家蛾眉見永和宮詞子建樂府有妾薄命杜

詩儒冠多悞身宋敏求春明退朝錄唐內人墓謂之宮人斜四仲遣使者祭之蔣一揆長安客話慈慧寺後

不二里有靜樂堂其牆陰皆宮人塋處所謂宮人斜也

爾雅鴟伯勞也詳寄周芮公題鴟注百詩絃絃掩抑

聲聲思左傳莊二十八年晉伐驪戎驪戎男女以驪姬

國語優施教驪姬夜半而泣昭儀見永和宮詞李詩

夜臺無李白戰國策天王萬歲千秋之後願得以身

試黃泉葶蠖蟻朝暮見鴛湖曲文通恨賦一旦魂斷

宮車晚出白詩一朝身去不相隨史記張釋之傳慎

夫人鼓瑟上自倚瑟而歌顧謂羣臣曰嗟乎以北山石

為槲用紵絮斲陳蔡漆其間豈可動哉釋之前進口使

其中有可欲者雖錮南山猶有鄰本草綱目華容方

臺山出雲母土人候雲所出之處于下掘取無不大獲

李時珍曰昔人言雲母壅尸亡人不朽盜發馮貴人塚

形貌如生有雲母壅之故也子選侍陵園亦已荒移

建洛神賦明眸善睐皓齒內鮮

宮事蹟更茫茫兩朝臺諫孤忠在一月昭陽舊恨長總

為是非留信史却憐恩寵異前王路人尙說東西李原

二李寢園亦在山下此段因鄭妃而

篋衍集作尙識 指點飛花入壞墻及選侍史筆詩

吳詩集覽 卷六下 六

情兩擅其妙明史后妃傳康妃李氏光宗選侍也時

宮中有二李選侍人稱東西李康妃者西李也最有寵

嘗撫視熹宗及莊烈帝光宗即位不豫召大臣入命封

選侍為皇貴如選侍趙熹宗出曰欲封后帝不應既而

帝崩選侍尙居乾清宮外庭恟懼疑選侍欲聽政大學

士劉一璟吏部尙書周嘉謨兵科都給事中楊漣御史

左光斗等上疏力爭選侍移居仁壽殿熹宗即位而御

史賈繼春進安選侍揭與周朝瑞爭駁不已帝復降敕  
屢旨詰責繼春繼春遂削籍去久之魏忠賢亂政四年  
封選侍為康如五年修三朝要典漣光斗等皆得罪死  
復召賈繼春與前旨大異矣又楊漣傳鄭貴如據乾  
清宮與帝所寵李選侍相結貴如為選侍請皇后封選  
侍亦請封貴如為皇太后漣光斗乃倡言于朝抗疏言  
選侍陽托保護之名陰圖專擅之實宮必不可不移其  
日選侍遂移宮居仁壽殿明日庚辰熹宗即位自光宗  
崩至是凡六日漣與劉一璟周嘉謨定宮府危疑言官  
惟光斗助之餘悉聽漣指漣鬚髮盡白帝亦數稱忠臣  
按兩朝臺諫謂光熹之間楊左皆為言官也 昭陽

見講佛詩

明史莊如李氏即所稱東李者也仁慈寡言笑位居西李前而寵不及天啟元年二月封莊如魏

忠賢客氏用事惡如持正宮中禮數多被裁損憤鬱薨

池北偶談明光宗朝選侍李氏鼎革後尚存至康熙甲寅歲五月十八日始卒指點見龍腹竹歌

張如哉曰梅村墓表卒於辛亥歲康熙十年今言李

選侍康熙甲寅歲始卒而此詩自注二李寢園亦在

山下何也池北偶談或出於傳聞異詞與俟考

### 田家鐵獅歌

田家鐵獅屹相向 砵談蹲夷信殊狀 良工朱火初寫成

四顧咨嗟覺神王

此詩借鐵獅以悲田家因田家而咏勝國也田家謂田宏遇家起四句點

完題面○杜詩楊上庭前屹相向王文考魯靈光殿賦元熊砵磔以斷斷後漢書魯恭傳蹲夷踞肆邱希範

吳詩集覽

卷六

下

七

詩蘄絕峯殊狀晉書樂志蘊朱火燎芳薪越語王令工以良金寫范蠡之狀注謂以善金鑄其形也四顧

見退谷歌郭振詩良工咨嗟先朝異物徠西極上林金

鎖攀楹出玉關 罷獻獸圈空刻畫丹青似爭力 武安戚

里起高門欲表君恩示子孫 鑄就銘詞鑄日月天貽神

獸守重閣第令監奴睛閃爍老熊當路將人攫熊當作熊不

堪此子更當關鈎爪張 眸吐銀鬣先朝四句原起鐵獅武安四句指出田家

第令四句乃田家鐵獅也○書不貴異物賤用物漢天

馬歌天馬徠從西極上林見讚佛詩北史赤土國傳

惟金鎖非王賜不得服用王介甫詩玉籠金鎖祇煩寬

獸圍射猛獸李正己詩刻畫何用妬西施荀子君子力如牛不與牛爭力武安見永和宮詞戚里見蕭史

青門曲高門見彈琴歌虞伯施獅子賦有絕域之神

獸因重譯而來撥易重門擊柝以待暴客禮閣者守門

之賤者也南史王偃傳第令必凡庸下才監子皆葭

萌愚豎漢書霍光傳注監奴謂奴之監知家務者王僧

孺中寺碑日流閃爍風度清鏘北史王羅傳老羅當

路卧貉子那得過按熊字當作羆然尤展成戲封苟變

關内侯制亦云老熊當道則刻寫之謔者多矣又後漢

書張綱傳豺狼當路安問狐狸此蓋合用之攫見哭志

行嵇叔夜絕交書而當關呼之不置一不堪也張如

哉日當關亦暗用楚辭虎豹九關啄害下人意虞伯

施獅子賦鈎爪鋸牙藏鋒蓄銳張

眸見九友歌葉適詩根株見銀鬣

七寶香貌玉辟邪嬉

游牽伴入侯家圍人新進天閑馬御賜仍名獅子花假

面羌胡裝雜伎狡狴突出拳毛異跳擲聲聲畫鼓催條

支海上何繇致異材逸獸信超羣其氣無乃如將軍將

吳詩集覽 卷六 下 八

軍豈是批熊手瞋目哮呼天下聞此段以異物視獅子

以獅子比田家以田家比獅子極變化離合之奇皆言

田家鐵獅之盛也蘇詩衣被七寶從雙後香譜香獸

以塗金爲狻猊空中以然香使烟自口中出以爲玩好

居易錄天祿辟邪皆獸名一角曰天祿兩角曰辟邪總

謂之桃拔退之送溫處士序士大夫之去位而巷處

者誰與嬉游韓致光詩羞澀伴牽伴韓君平詩輕烟散

入五侯家周禮夏官圉人掌養馬芻牧之事天閑見

馬草行杜詩近時郭家獅子花薛元卿詩假面飾

金銀晉書段灼傳募取涼州兵馬羌胡健兒又成帝紀

咸和七年冬除樂府雜技物理論獅子後貌也拳毛

見龍腹竹歌釋史道州有舜祠凡遇正月初吉山狙

羣聚祠旁跳跟奮擲元詩光陰本跳擲畫鼓見駕湖曲

史記大宛傳條枝在安息西數千里漢書西域傳條

支國臨西海而有桃拔獅子犀牛又司馬相如傳卒

然遇軼材之獸淮南子同師而超羣者必其樂之者也

按氣如將軍亦是從虎爲寅將軍熊爲雄將軍等事

化出然下文接入田蚡則將軍字當指宏遇也宏遇以女貴官左都督於明史職官志將軍字爲合子建七

啟批熊碎掌 瞋目見行路難真伯施獅子賦 嗥呼則江河振蕩李詩風流天下聞 省中忽唱田

蚡死青犢明年食龍子蝦蟆血灑上陽門三十六宮土

花紫此時鐵獅絕可憐兒童牽挽誰能前橐駝磨肩牛

礪角霜摧雨蝕枯藤纏主人已去朱扉改眼鼻塵沙經

幾載鎖鑰無能護北門畫圖何處歸西海 省中四句田家之衰而用

青犢龍子蝦蟆等字仍觀入鐵獅此時四句鐵獅之衰而霜摧雨蝕仍暗寫田家主人四句又用合寫法見田

家鐵獅都非昔也○漢書昭帝紀注蔡邕云本爲禁中避元后父名改曰省中史記武安侯傳武安侯田蚡者

孝景后同母弟也史記正義元光四年三月已卯田蚡薨 後漢書光武帝紀別號諸賊青犢等各領部曲晉

吳詩集覽 卷六 下 九

書五行志海西公初生皇子百姓歌曰鳳凰生一雛天下莫不喜本言是馬駒今定成龍子 盧仝詩又聞古

老說蝕月蝦蟆精上陽見蕭史青門曲 李長吉詩三十六宮土花碧 北齊平秦王歸彥傳使黃領小兒牽

挽我 漢書匈奴傳注師古曰橐駝言能負橐囊而馱物也按廣絕交論影組雲臺者摩肩舊唐書韋處厚傳

摩肩侯謁蓋本於國策臨菑之塗車轂擊人肩摩然左傳昭十二年摩厲以須則摩可通磨漢書梅福傳厲世

摩鈍蓋本於左傳韓詩牧童敲火牛礪角黃魯直詩石吾甚愛之勿使牛礪角梅村謂鐵獅無主爲駝牛所狎

翫耳 薩天錫詩兩蝕風吹半稜折冥子華詩枯纏藤重歎 賈生鵬鳥賦主人將去杜詩曉入朱扉啟 心

經無眼耳鼻舌身意杜詩塵沙連越嶠 北門 吾聞滄鎖鑰見哭志行注 條支國臨西海見上文

州鐵獅高數丈 集作 非 千年猛氣難凋喪風雷夜半戲人

間柴皇戰伐英靈壯蘆溝城雉對西山橋上征人竟不

還枉刻蹲獅七十二桑乾流水自潺潺秋風吹盡連雲

宅鐵鳳銅鳥飛不得却羨如來有化城香林獅象空王

力扶雀犛牛見太平聲莫交切音茅月支使者貢西京并州精

鐵終南冶好鑄江山莫鑄兵十六句就鐵獅而曲折旁通言之橋上征人寄愴獨

深秋風吹宅則田家不足道矣飯依化城亦不可奈何語也未四句二句是獅字餘波二句是鐵字餘波○

大清一統志滄州在天津府南少西一百八十里又開元寺在舊滄州城內有鐵獅子高一丈七尺長一丈

六尺相傳周世宗時有罪人鑄以贖罪今寺廢鐵獅亦殘闕杜詩猛氣猶思戰場利凋喪見茸城行五代

史周本紀世宗廢武孝文皇帝本姓柴氏顯德六年五月乙巳朔取瀛州一統志天津府唐為瀛滄二州地戰

伐見觀通天帖北齊文苑傳序斯固感英靈以特達一統志拱極城在宛平縣西四十里蘆構橋東蔣一揆

吳詩集覽 卷六下 十

長安客話蘆構橋金明昌初建正統初重修長二百餘步左右石欄刻獅子數百枚情態各異左傳隱元年都

城過百雉注一雉之墻長三丈高一丈西山見贈吳雪航盧子行從軍行庭中琪樹已堪攀塞外征人殊未

還魏文帝詩于今竟不還桑乾見臨江叅軍一統志永定河即桑乾河逕宛平縣西南古名濕水又名清泉

河亦名蘆溝河楚辭觀流水兮潺湲沈休文詩秋風吹廣陌潘安仁秋興賦高閣連雲李詩連雲升甲宅

李尚真詩鐵鳳曾鶯搖瑞雪銅鳥細轉入祥風發迹經淨名大士是往古金粟如來法華經法華道師多諸

方便於險道中化作一城是時疲極之衆生已度想生安穩想蘇詩香林乍喜聞蓆蔔因果經太子生時一

手指天一手指地作大獅子吼本行經摩耶夫人夢白象日輪從左脇入召相師問之曰女人此夢必生轉輪

聖王矣觀佛三昧經過去久遠有佛出世號曰空王後漢書國語巴浦之犀犛兕象太平見遇南廂園叟後漢書

章帝紀章和元年月支國使獻扶叛獅子西京見雒陽行任華詩勁直渾是并州鐵一統志終南山在西安

府城南五十里漢書東方朔傳南山天下之阻也其山  
出玉石金銀銅鐵左傳僖十八年鄭伯始朝于楚楚  
子賜之金既而悔之  
與之盟曰無以鑄兵

題崔青蚬洗象圖王如哉青箱堂集崔子忠青蚬  
工圖繪爲絕技采錫鬯崔子忠

傳崔子忠字開子一名丹字道母別字青蚬先  
世萊陽人居京師補順天府學生員通五經能  
詩尤善畫華亭董尚書其昌異之謂非近代所  
有子忠益自重有以金帛請者槩不應也李自  
成陷京師子忠出奔鬱鬱不自得會人有觸其  
意者走入土室中匿不出遂餓而死蔣一揆長  
安客話象房在宣武門西城牆北每歲六  
月初伏用旂鼓迎象出宣武門濠內洗濯

嗚呼顧陸不可作世間景物都蕭索雲臺冠劍半無存

維摩寺壁全凋落開元名手空想像昭陵御馬通泉崔

吳詩集覽 卷六 下 十二

此段見名畫之久缺也反振題意○南史何敢傳吳郡  
陸探微顧彥先皆能畫張如哉曰蘇詩顧陸丹青自注  
顧愷之字長康無錫人陸探微吳人又引謝赫論江左  
畫顧長康陸探微皆爲上品此詩用蘇注禮死者如可  
作也吾誰與歸王臺卿詩景物共依遲 雲臺見又  
咏古温飛卿詩去時冠劍是丁年 唐瓦官寺維摩詰  
畫像碑瓦官寺變相乃晉虎頭將軍顧愷之所畫漢書  
敘傳彫落洪支 開元唐元宗年號北史崔季舒傳遂  
爲名手想像見西田詩 昭陵見觀通天帖唐會要高  
宗欲闡揚先帝徽烈乃刻石爲常所乘破敵馬六匹於  
昭陵闕下杜有通泉縣署壁後薛少保畫鶴詩名畫錄  
今秘書省有薛稷畫鶴時號一絕一統志通泉廢縣在  
潼川府射 洪縣東南 燕山崔生何好奇書畫不肯求人知仙靈雲

氣追恍惚宓妃雜女乘龍螭平生得意圖洗象興來掃

筆開屏障赤闕如披洱海裴白牙似立含元仗前四句 點出青

蚬後四句點出洗象圖○燕山見送龔孝升崔生出北

史崔亮傳杜詩岑參兄弟皆好奇陸佐公詩網戶圖

雲氣龕室畫仙靈老子恍兮惚兮其中有物王叔師

楚辭注慮妃神女蓋伊洛之水精楚辭駕兩龍兮騁螭

得意見行路難孟詩清曉因興來杜詩筆陣獨掃

千人軍又始覺屏障生光輝爾雅釋詁駮屬也疏屬

者織毛爲之天清一統志西洱河在大理府太和

縣東一曰洱海一曰西洱海別見贈蒼雪南越志象

牙長丈餘脫其牙則深藏之李遐叔有含元殿賦唐書

李林甫傳君獨不見立仗馬乎終日無聲而飲三品芻

豆當時駕幸承天門鸞旗日月陳金根鷄鳴鐘動雙闕

下巋然不動如崑崙崔生布衣懷紙筆道衝騶哄金吾

卒仰見天街馴象來歸去沉吟思十日眼前突兀加摩

挲非山非屋非陂陀昔聞阿難騎香象梅檀林內頻經

吳詩集覽

卷六下

五

過我之此圖無乃是貝多羅樹金沙河

此段見青蚬慘淡經營意在筆

先也○明史輿服志正南曰承天門明憲宗實錄成化

元年三月命工部尚書白圭董造承天門鸞旂字本

魯頌穆天子傳日月之旂七星之文後漢書輿服志注

始皇作金根之車梁書何胤傳欲樹雙闕世傳晉室

欲立闕王丞相指牛頭山云此天闕也莊子巋然有

餘崑崙見龍腹竹歌後漢書董祀妻傳乞給紙筆

騶哄見送何省齋金吾見行路難天街見青門曲漢

書武帝紀南越獻馴象能言鳥沉吟見送何省齋杜

詩十日畫一山五日畫一石突兀見臨江參軍摩挲

見行路難史記司馬相如傳登陂陀之長坂兮按眼

前二句卽東坡執筆熟視乃見其所欲畫者急起從之

振筆直遂以追其所見之意山屋陂陀皆以此象之大

阿難見讚佛詩丙典譬兔馬象三獸渡河惟大香象

澈底截流梅檀見讚佛詩晉書穆帝紀升平元年扶

南天竺旃檀獻馴象庾詩漢使絕經過杜詩今之畫

圖無乃是貝多羅樹見贈蒼雪注元史鄭鼎傳至金



沙河波 清酒湧 十丈黃塵向天闕 霜天夜踏宮墻月 芻豆支來

三品料鞭梢趨就千官謁 材大寧堪世人用 徒使低頭

受羈絆 此段寫所圖之象而作圖者身分亦出○楊炯詩千里暗黃塵天闕見上文 霜天見海戶曲

芻豆三品料見前又五代史北漢世家劉晏高平戰敗獨乘契丹黃騮間道馳去歸為黃騮治廐飾以金玉

食以三品料 陸務觀詩畫橋飛絮逐鞭梢漢書嚴助傳人徒之衆足以供千官之奉 材大見贈家待御

低頭見讀史雜詩左傳僖二十四 年臣負羈絻注羈馬羈絻馬韁 京師風俗看洗象玉

河春水涓流潔赤脚烏蠻縛雙帚六街士女車填咽叩

鼻殷成北闕雷怒蹄捲起西山雪圖成懸在長安市道

旁觀者呼奇絕性癖難供勢要求價高一任名豪奪 此段

吳詩集覽 卷六下 三

實寫洗象圖自承天門句至此皆言洗象之盛亦作圖者之盛也○ 大清一統志玉河源出宛平縣玉泉山元時曰金水河張如哉曰涓流用泉涓涓而始流元

史祭祀志殊非涓潔之道 韓詩一婢赤脚老無齒劉伯溫詩僅有赤脚奴唐書南蠻傳自彌鹿升麻二川南

至步頭謂之東巒烏蠻縛帚見磬清湖 六街見送沈釋堂士女見閬州行梁書陶宏景傳車馬填咽本草

集解象鼻甚深可以開合食物飲水皆以鼻捲入口公羊傳其用之社奈何益叩其鼻以血社也此借用詩殷

其雷 柳子厚三戒驢不勝怒蹄之此借用蘇詞驚濤拍岸捲起千堆雪西山見贈家侍御 後漢書韓康傳

常採藥名山賣於長安市 奇絕見琵琶行 杜詩為人性癖耽佳句韓詩勢要情所重 又少室山人索價

高名豪見茸城行史記蕭相國世家無為勢家所奪

十餘年來人事變碧鷄金馬爭傳箭越人善象教象兵

扶南身毒來酣戰惜哉崔生不復見畫圖未得開生面

若使從軍使趙化蒼梧城下看如練更作昆明象戰圖

止須一疋鷺溪絹 此段就象而曲折旁通言之非泛作感愾○鹿度辰詞烟月不知人事改

漢書王褒傳方士言益州有金馬碧鷄之寶可祭祀致也揚升菴雲南山川志金馬山在雲南府城東二十

五里碧鷄山在西南三十里傳箭見遇南廂園叟書南蠻傳扶南西去林邑三千餘里在海大灣中唐書

扶南傳王出乘象史記大宛傳身毒在大夏東南可數千里其人民乘象以戰一統志榜葛在西海中即漢時

身毒國杜詩英姿颯爽來酣戰又將軍下筆開生面

從軍見行路難史記尉佗傳南越王尉佗者真定人也姓趙氏一統志廣西梧州府蒼梧縣附郭大江自

潯州府平南縣流經藤縣北又東經梧州府城西南隅與桂江合謝元暉詩澄江淨如練 昆明見贈蒼雪

杜詩我有一疋好東絹鷺溪絹見清風使節圖

嗟崔生餓死長安陌亂離荒草埋殘骨一生心力赴兵

吳詩集覽 卷六 下

酉

火此卷猶存堪愛惜君不見武宗供奉徐髯仙豹房夜

直從游敗青熊蒼兕寫奇特至尊催賜黃金錢只今零

落同雲烟古來畫家致身或將相丹青慘澹誰千年 此段

尙論青蚨仍不脫圖象意自金馬碧鷄至此見象非昔而作圖者亦非昔也○杜詩統袴不餓死 荒草見東

萊行蔡文姬胡笳十八拍死當埋骨兮長已矣 心力見汲古閣歌 兵火見越南廂園叟 杜詩樹木猶爲

人愛惜 明史武宗紀諱厚照供奉見王郎曲松江府志徐霖字子仁自號九峯道人或呼爲髯仙 明武宗

實錄正德二年八月蓋造豹房公廨前後廳房并左右廂歇房上朝夕處此不復入大內矣七年添修豹房屋

二百餘間費銀二十四萬餘兩書文王不敢盤于游畷汲冢周書成王時不屠國獻青熊史記齊世家尙父

誓師曰蒼兕蒼兕總爾衆庶朱子詩偉哉奇特觀至尊賜金見九友歌 子瞻寶繪堂紀譬之烟雲之過眼

百鳥之感耳宣和畫譜李思訓唐宗室也妙極丹青  
官至左武衛大將軍其子昭道同時於此亦不凡故人  
云大李將軍小李將軍者大謂思訓小謂昭道也唐書  
閻立本傳戒其子曰吾少讀書文辭不減儕輩今獨以  
畫見名若曹慎母習既輔政時姜恪以戰功擢左相故  
時人有左相宣威沙漠右相馳譽丹青之嘲 慘澹見  
湖 磬清

尤展成詠明史樂府徐髯仙一首自注徐霖在金陵  
築快園極遊觀聲伎之樂武宗南巡賊賢薦入行宮  
應制詞曲扈從還京宿御榻前授官固辭按此事明  
史不載而尤注亦不言其善畫也扈從御榻前故云  
夜直然賊賢伶人也霖由賢進則供奉賜金反不如  
餓死之潔故青熊蒼兕之零落不如洗象圖之堪愛  
惜也然不獨髯仙爲然卽由畫而致將相者  
亦誰能千年常存乎是極力歸重崔生處

松山哀 二月我御撰通鑑綱目三編崇禎十五年春  
大清兵克松山洪承疇降遂

吳詩集覽 卷六 下

五

下錦州大清一統志松山在錦州府錦縣  
南十八里舊松山所城在其西明史曹變蛟傳  
崇禎十三年五月錦州告急從洪總督承疇出  
關十四年三月凡八大將兵十三萬馬四萬並  
駐寧遠承疇主持重而朝議以兵多餉艱職方  
郎張若麒趣戰承疇念祖大壽被圍久乃議急  
救錦州七月二十八日諸軍次松山營西北岡  
數戰圍不解承疇命變蛟營松山之北乳峯山  
之西兩山間列七營環以長壕俄聞我  
太宗文皇帝親臨督陣諸將大懼及出戰連敗  
餉道又絕自杏山迤南沿海東至塔山爲  
大清兵邀擊溺海死者無算變蛟王庭臣聞敗  
馳至松山與承疇固守吳三桂王樸奔據杏山  
越數日欲走還寧遠至高橋遇伏大敗僅以身  
免先後喪士卒凡五萬三千七百餘人自是錦  
州圍益急而松山亦被圍應援俱絕矣明年二  
月副將夏成德爲內應松山遂破承疇變蛟廷  
臣及巡撫邱民仰故總兵祖大樂兵備道張斗

姚恭王之禎副將江翥饒勳朱文德叅將以下百餘人皆被執見殺獨承疇與大樂獲免三月大壽遂以錦州降杏山塔山連失京師大震八旗通志洪承疇漢軍鑲黃旗人世居福建漳州府初仕明累官至經畧討流寇有功崇德六年率兵十三萬來援錦州聞

親征遂回松山固守我兵四路追逐殺五萬餘人七年二月肅郡王豪格等圍困松山城明松山副將夏成德密遣子約降為內應十八日夜我兵以雲梯於夏成德所守處登城遂克之城中文武各官俱被擒

特諭洪承疇及總兵祖大樂隸旗籍順治二年以大學士總督軍務招撫江南各省地方生擒金聲並偽官四員斬於軍前福建偽閣部黃道周兵寇徽州遣張天祿大破之三年再敗之斬道周十年出為湖廣等處五省經畧疏陳全楚情形往來長沙四應調度十五年克取貴州十六年三月我兵追勦偽桂王破騰越州至南甸從三宣六慰路遁

吳詩集覽

卷六下

六

去十八年追敘前功授三等阿達哈哈番世職康熙四年病卒謚文襄杭州府志洪承疇字亨九福建南安人

拔劍倚柱悲無端為君慷慨歌松山盧龍蜿蜒東走欲入海屹然撐拄當雄關連城列障去不息茲山突兀烟

峯攢中有壘石之軍盤白骨掌距凌噴吼十三萬兵同

日死渾河流血增奔湍從松山直起點明戰壘○史記刺客傳拔劍劍長操其室軻自

知事不就倚柱而笑又田單傳如環之無端又項羽

紀乃悲歌慨慨大清一統志崇德六年太

宗親率大兵取松山城又永平府盧龍縣附郭渤海在府南一百六十里歷山海關接寧遠州界張平子七

辨螭虹蜿蜒李詩黃河落天走東海正字通屹山獨立壯武貌字典摺亦作枝拄亦通作柱李義山衛公集

序)天井雄關金橋故地(史記主父偃傳今諸侯或連城數十漢書西域傳于是漢列亭障至玉門矣王詩行人去不息突兀見臨江參軍駱賓王詩攢峯銜宿霧)

字通撐撐掌堂音義(宋玉高唐賦盤岸噴吭) 大清一統志豫郡王多鐸 太祖高皇帝第十五

子明洪承疇率十三萬眾來援錦州敗走王設伏以待(大清一統志) 明兵殲焉(杜詩) 四萬義軍同日死

河源出長嶺子納綠窩集日納綠河西流入英(大清一統志) 額邊門會噶桑阿河為渾河(杜詩) 河洶開奔湍

際異變化須臾間出身憂勞致將相征蠻建節重登壇

還憶在時舊部曲喟然歎息摧心肝(就承疇意中寫出哀字是進一層法)

憂勞二字蘊藉之甚(司馬仲達詩遭遇際會鮑詩念此死生變化非常理) 禰正平鸚鵡賦臣出身而事主

無事不征蠻(史記司馬相如傳) 乃拜相如為中郎將建

吳詩集覽 卷六下 七

節往使登壇見送杜岷武(馬孝升曰) 承疇松山之敗中朝風聞盡節卹典備加謚襄烈乃被擒日久遂降以太

傅大學士從龍入關先經畧東南五省繼經畧西南五省卒謚文襄(張平子西京賦結部曲元次山有喻舊部曲詩) 嘆息見行路難其

六歐陽堅詩痛哭摧心肝 嗚呼元菟城頭夜吹角殺

氣軍聲振寥廓一旦功成盡入關錦裘跨馬征夫樂天

山回首長蓬蒿烟火蕭條少畊作廢壘斜陽不見人獨

留萬鬼填寂寞若使山川如此閒不知何事爭強弱(此)

是哀字正面乃作者意中語(天清一統志) 漢時所置遼東樂浪元菟三郡多屬今奉天府治之東南及

朝鮮界內地岑參詩輪臺城頭夜吹角(禮月令) 仲秋

之月殺氣浸盛軍聲出唐書李愬傳寥廓見吳志(行)

老)功成而不居入關見下相懷古(唐書李晟傳) 每與賊戰必錦裘繡帽自表(後漢書) 公孫述傳跨馬陷敵

所向輒平征夫見龍腹竹歌大清一統志天山在

哈密城北一百二十餘里一名白山自哈密東北境綿

亘而西經舊土魯番又西入準噶爾界殆三千餘里又

西南與葱嶺相接蓬蒿見雁門尚書行烟火見蔡清

湖序蕭條見越南廂園叟史記越世家身自耕作廢

墨見越南廂園叟韓致光詩處處斜陽草似苔論衡

滄海之中有度朔之山上有大桃木其屈蟠三千里其

枝間東北曰鬼門萬鬼所出入也按吳都賦注作度索

楚辭野寂聞道朝廷念舊京詔書招募起春耕兩河

少壯丁男盡三輔流移故土輕牛背農夫分部送鷄鳴

關吏點行頻早知今日勞生聚可惜中原耕戰人此段是哀

字餘波○後漢書杜篤傳篤以關中表裏山河先帝舊

京詔書見越南廂園叟後漢書光武紀招募猛士

兩河見避亂蔡文姬胡笳十八拍俗賤老弱兮少壯為

美漢書王父偃傳發天下丁男以守北河三輔見退

吳詩集覽卷六下

谷歌後漢書東夷傳流移至澶州者所在絕遠故土見

行路難溫飛卿詩牛背夕陽多晉書劉元海載記魏

武分其眾為五部鮑詩雞鳴關吏起點行見馬草行

左傳哀元年越十年生聚而十年教訓蘇子由詩

自古習耕戰

按程迓亭盤悅卮談謂松山哀之悲祖大壽然詳玩

詩意蓋哀戰士也而責承疇之意在其中豈無遭際

異變化須臾間自其初降而言之出身憂勞致將相

征蠻建節重登壇則為大學士以後之事也大壽未

躋揆席不得云將相况有憶舊部曲歎息摧心之語

十三萬人豈皆大壽之部曲乎大壽當袁崇煥下獄

其不至于大壽明矣承疇遭際變化功成入關明人

謂其已死有十六壇之祭則不待建節登壇而已有

負於部曲死事之人以歎息摧心歸之承疇蓋詩人

忠厚之旨也至云錦裘跨馬征夫樂則正與歎息對

照直斧鉞之筆矣早知今日勞生聚可惜中原耕戰

人其責承疇也婉而切而大壽豈足以當之與  
明史孫承宗傳崇禎四年十月城中糧盡援絕守將  
祖大壽力屈出降而曹變蛟傳敘大壽之降在崇禎  
十五年三月恭讀御撰資治通鑑綱目三編崇  
禎四年秋八月我大清兵圍大凌城至冬大凌  
城糧盡援絕大壽殺副將何可剛偕諸將降言妻子  
在錦州請歸設計誘降守者遂縱歸崇禎十五年春  
二月我大清兵克松山洪承疇降遂下錦州祖  
大壽以錦州降是四年降於大凌城十五年降於錦  
州雖陳新甲傳內有大壽請以車營逼勿輕戰之語  
然反覆屢降其爲人可知而詩人顧爲之哀無是理  
也况崇禎二年大壽擁五萬人東潰遂奔錦州莊烈  
果於用刑袁崇煥陳新甲之徒咸死西市而大壽潰  
而奔不以叛逆誅降而歸不以失節誅莊烈於是乎  
失刑矣大壽之罪浮於賀人龍毛

文龍而生死各異明之亡宜哉  
張素存松山詩古戍春深曉飛霞馬首雲低擁征傳  
松杏山經百戰餘舊聞歷歷眼中見坡坨隱伏維堞

吳詩集覽

卷六下

尤

顏層巒拔地何崔嵬彎弓帶甲十三萬曾此空卷委  
塵埃紅羅山頭歸路絕青海障處戰流血角聲入雲  
錦水枯湘纍迎降氣嗚咽脫囚釋縛居上筵豐貂翠  
幕鵲印懸南冠稽首紛兩泣効死誓日旌門前開天  
神武渺衆慮四海英雄歸駕馭袞袞將相圖丹青奕  
奕驍騮競騫翥于今亭埃生蓬蒿平蕪沙軟狐兔驕  
往事浸尋四十載共驅耕犢來春樵想像山城仗黃  
鉞虎帳經營幾歲月萬年形勝收雄關千里邊雲撫  
溟渤朝陵兩度輦路平百靈跋翼隨  
行旌經過鐵馬金戈地時作蕭蕭風雨聲

臨淮老妓行

郡孫仲衍有老妓行尤展成宮閨小

名錄冬見劉東平歌伎吳梅村作臨淮老妓行  
袁子才曰冬兒與陳圓圓同爲田宏遇所畜伎  
後歸劉澤清陳其年婦人集臨淮老妓某戚晚  
府中淨持也後爲東平侯女教師甲申京都失  
守欲偵兩宮音息而賊騎充斥麾下將無一肯  
行伎奮然曰身給事戚晚即中久宜往遂易鞋

輪持七首閩闕數千里穿賊壘而還明史劉澤清曹縣人福王立以為東平伯駐廬州順治二年二月揚州告急命澤清等往援而澤清已潛謀輸款矣大清惡其反覆磔之又史可法傳東平伯劉澤清轄淮海駐淮北王貽上香祖筆記澤清守窪洲馬孝升曰澤清聞大兵至即棄淮安裝金玉子女避廟灣為航海計因所領兵漸散復至淮安投誠舉家入京後正法

臨淮將軍擅開府不鬪身強鬪歌舞白骨何如棄戰場

青娥已自成灰土老大猶存一妓師柘枝記得開元譜

纔轉輕喉便淚流尊前訴出漂零苦前四句是臨淮後四句是老妓口語○張如

題也尊前句領起通篇以下俱是老妓口中語○張如哉曰唐李光弼出鎮臨淮進封臨淮郡王詩目劉為臨

吳詩集覽 卷六 下 三

淮將軍正以反借刺之如葺城行之此亦當今馬伏波也晉書職官志魏黃權以車騎將軍開府儀同三司開

府之名起於此也杜詩客子鬪身強白骨見閩州行戰場見蟋蟀盆歌張正言詩紅粉青娥映楚雲曹孟德樂府終為土灰白詩老大嫁作商人婦妓師出

沈約傳詳見下唐樂史有柘枝譜唐書韋述傳更撰開元譜二十篇轉喉見王郎曲錢妾是劉家舊主

仲文詩相憶緣尊前漂零見遇劉雪舫

謳冬兒小字唱梁州翻新水調教桃葉撥定鴟弦授莫

愁武安當日誇聲伎秋娘絕藝傾時世戚里迎歸金犢

車後來轉入臨淮第八句是老妓履歷○史記外戚世家子夫為平陽主謳者張如哉曰

平陽主平陽公主也主字屬上此云主謳當如劉夢得泰孃歌引泰孃本韋尚書家主謳者幽聞鼓吹段和尚善琵琶自製西梁州崑崙求之不與至是以樂之半贈之乃傳焉今曲調梁州是也新翻見鴛湖曲水調

贈之乃傳焉今曲調梁州是也



見琵琶行桃葉見贈馮訥生詳玉京墓 鷓鴣絃見琵琶

行樂府解題石城有女子名莫愁善歌謠 武安見永和宮詞聲伎見贈文園公 秋娘見楚兩生行絕藝見

王郎曲白詩時世粧時世粧出自城中傳四方 戚里見青門曲溫飛卿詩 臨淮游俠起山東帳下銀箏小隊

油壁車輕金饋肥 紅巧笑射棚分畫的 棚應 濃粧毬仗簇花叢縱為房老

腰肢在若論軍容粉黛工羊侃侍兒能走馬李波小妹

解彎弓 八句言臨淮之盛所謂不關身強鬪歌舞也○ 史記有游俠傳 大清一統志曹縣在山東

曹州府東南一百里 帳下見臨江參軍南史何承天 傳承天素好奕碁又善彈箏文帝賜以局子及銀裝箏

杜詩元戎小隊出郊坰 南史齊高祖紀蒼梧王立帝 於室內畫腹為射的引滿將射之左右諫口領軍腹大

是佳射棚張道濟詩雕弧月半上畫的暈重規 又花 裏濃粧伴麗人宋史儀衛志毬仗金塗銀裹以供奉官

吳詩集覽 卷六下 廿

騎執之白詩將軍挂毬仗看按柘枝來謝宣遠詩密苑 解華叢 欽小志石崇愛婢翔風年三十遂退之使為

房老季義山詩空城舞罷腰支在 禮軍容不入國 容不入軍楚辭粉白黛黑蔡九遠詩山猶如黛工 羊

侃見茸城行按侍兒字出史記袁盎傳 魏書李安世 傳廣平人李波宗族彊盛殘掠生民百姓為之語曰李

波小妹字雍容褰裙逐馬如卷蓬左射右射 錦帶輕衫 必壘雙賈誼過秦論士不敢彎弓而報怨

嬌結束城南挾彈貪馳逐忽聞京闕起黃塵殺氣奔騰

滿川陸探騎誰能到薊門空閒千里追風足消息無憑

訪兩宮兒家出入金張屋請為將軍走故都一鞭夜渡

黃河宿暗穿敵壘過侯家妓堂仍訝調絲竹祿山裨將

帶弓刀醉擁如花念奴曲倉卒逢人問二王武安妻子

相持吳熏天貴勢倚椒房

熏集

不為君王收骨肉

此段言冬

見奉命偵兩宮消息也妓堂念奴不脫鬪歌舞意○鮑詩錦帶佩吳鉤百詩輕衫細馬春年少結束見王郎曲

城南見琵琶行戰國策左挾彈右攝丸馳逐見蟋蟀盆歌沈休文詩遙眺想京闕黃塵見沈象圖殺氣

見松山哀何仲言詩激瀨視奔騰川陸見閬州行張文昌詩軍中探騎暮出城古樂府有出自劄北門行按

薊門烟樹為京師八景之一在德勝門外古今注始皇七馬一日追風驃明史流賊傳始賊欲偵京師虛實

往往陰遣人輦重貨賈販都市又令充部院諸探吏探刺機密朝廷有謀議數千里立馳報及抵昌平兵部發

騎探賊賊輒勾之降無一還者賊游騎至平則門京師猶不知也兩宮見遇劉雪舫薛維翰詩兄家門戶

重重閉金張見行路難離騷又何懷乎故都高賓王詩一鞭花陌曉木蘭詩朝辭耶孃去暮宿黃河邊

漢書衛青傳為侯家騎從百詩溪繞妓堂迴又緩歌漫舞凝絲竹唐書逆臣傳安祿山營州柳城胡也張

吳詩集覽 卷六下

守珪拔為偏將裨將出漢書項籍傳弓刀見避亂百詩洛陽多少如花女元詩力士傳呼覓念奴念奴潛伴

諸郎宿倉卒見讀西臺記二王武安見永和宮詞陸士衡演連珠虐暑熏天杜詩不得收骨肉馬孝升

日宏遇歿于崇禎十六年其不收卹永定二王尚伊妻子之罪尤可怪者周奎之于慈琅耳翻身歸

去遇南兵退駐淮陰正拔營寶劍幾曾求死士明珠還

欲致傾城男兒作健酣杯酒女子無愁發曼聲

此段言冬兒歸

後澤清仍然不關身強鬪歌舞也○杜詩翻身向天仰射雲一統志淮陰故城在淮安府清河縣東南秦縣

也淮陽故城在淮安府清河縣西南晉縣也集韻晉俗謂平地除堊曰拔按詩意常用此非拔營道也精華錄

訓纂澤清與淮撫田仰日肆歡飲大兵南下有問其如何禦者澤清曰吾擁立福王而來以此供我休息

萬一有事吾自擇江南一郡去耳八月澤清大興土木造宅淮安極其壯麗四時之室俱備僭擬皇居休卒淮

上無意北征〔陳伯玉詩〕寶劍千金買平生未許人死  
土見雁門尚書行〔喬知之詩〕明珠十斛買娉婷傾城  
見永和宮詞〔男兒作健見哭志行〕漢書灌夫傳爭杯酒  
不足引他過誅也〔北齊幼主傳爲無愁之曲〕曼聲  
見王可憐西風怒吹折山陽樹將軍自撒沿淮戍不惜  
郎曲

黃金購海師西施一舸東南避鬱洲崩浪大於山張帆

捩柁無歸處重來海口豎降幡全家北過長淮去長淮

一去幾時還誤作王侯邸第看收者到門停奏伎蕭條

西市嘆南冠〔此段言東平反覆被誅之事〕西施一舸不  
脫鬪歌舞意停奏伎亦爲烘染〔李詩〕昨

夜狂風度吹折江頭樹〔一統志〕淮安府山陽縣附郭  
宋史魏勝傳以議和撤海州戍〔按〕海師字出南史朱

修之傳〔西施一舸注見〕磐清湖〔魏志〕邢原傳將家  
屬入海居鬱洲山中〔方輿紀要〕鬱洲山在海州東北十

吳詩集覽 卷六下 三

九里海中有大洲周圍數百里謂之鬱洲亦曰郁州山  
海經所謂郁山在海中者也晉隆安五年孫恩襲建康

不克浮海北走郁州〔李詩〕白浪如山那可渡〔又〕張帆  
當濟川〔振枕見〕二十五日詩〔一統志〕自海州入淮安

府安東縣東爲淮水會黃入海之口〔淮南水利考〕山陽  
縣廟灣海口在縣東北一百八十里降幡見楚兩生行

蘇詞波聲拍枕長淮曉〔幾時還見〕鐵獅歌〔漢書〕  
燕王劉澤傳臣觀諸侯邸第百餘〔晉書〕石崇傳崇正

宴于樓上介士到門及車載詣東市崇乃嘆曰奴輩利  
吾家財收者答曰知財致害何不早散之〔宋書〕蔡興宗

傳常言收已在門不保俄頃〔按〕使得奏薄技出漢書司  
馬遷傳然詩意似用魏畧魏武醉輒向帳作伎之類耳

籍其家南冠見琵琶行 老婦今年頭總白淒涼閱盡興

亡迹已見秋槐墮故宮又看春草生南陌依然絲管對

東風坐中尙識當時客金谷田園化作塵綠珠子弟更

無人楚州日落清江冷長笛聲聲欲斷魂此段歸到老

咏嘆足詠出漂零之意○戰國策老婦不能秋槐見

永和宮詞故宮見雜陽行 楚辭春草生兮萋萋梁武

帝詩十四採桑南陌頭 杜詩錦城絲管日紛紛 梁

書沈約傳嘗侍讌有妓師是齊文惠宮人帝問識坐中

客不曰惟識沈家令約伏座流涕 綠珠傳石崇有別

廬在河南金谷澗中歸去來辭田園將蕪胡不歸 百詩

歲久化為塵 綠珠傳綠珠有弟子朱韓有國色善吹

笛後入晉明帝宮中 張承吉詩月明南內更無人 二

統志淮安府隋開皇元年改郡為淮陰立楚州清江浦

在山陽縣西北三十里 趙承祐詩長笛一聲人倚樓

宋延清詩看

山欲斷魂

此詩以尊前詠出漂零苦為眉目而以不鬪身強鬪

歌舞為主腦左縈右拂層層入妙張素存過金陵某

將軍營六纛雙旌隱畫屏月明霜白路人稀燕歸

不識將軍壘猶認烏衣舊宅飛想亦東平之流也

吳詩集覽

卷六下

齒

殿上行 宋史高宗紀合館職侍立殿上 按此詩為

黃石齋而作明史黃道周傳字幼平漳浦

人崇禎十一年六月廷推閣臣道周已充日講

官遷少詹事得與各帝不用用楊嗣昌等五人

道周乃草三疏一劾嗣昌一劾陳新甲一劾遼

撫方一藻七月五日召內閣及諸大臣於平臺

井及道周是時帝憂兵事謂可屬大事者惟嗣

昌破格用之道周守經失帝意及奏對又不遜

帝怒甚欲加以重罪憚其名高未敢決嗣昌懼

論已者將無已時也亟購人劾道周者貶道周

六秩為江西

按察司照磨

殿上雲旗天半出夾陛無聲手攀直有旨傳呼召集賢  
左右公卿少顏色公卿繇來畏廷議上殿叩頭輒心悸  
吾邱發策詘平津未斥齊人慚汲尉先生侍從垂金魚

退直且上庖西書况今慷慨復違惜不爾何以乘朝車

起四句點明殿上公卿四句用反觀法先生四句歸到

石齋而以初入翰林時襯出為大僚時也○司馬長卿

上林賦拖霓旌靡雲旗儲光義詩初日照龍闕峩峩在

天半漢書叔孫通傳先平明謁者治禮引以次入殿

門廷中陳車騎成卒衛官設兵張旗志傳曰趨殿下郎

中夾陛陛數百人師古曰志同幟漢書朱雲傳御史將

雲下雲攀殿檻檻折及後當治檻上曰勿易因而輯之

以旌直臣傳呼見東萊行集賢見汲古閣歌然此詩

用唐事唐書百官志明皇嘗選者儒日一人侍讀以質

史籍疑義置集賢殿侍講學士侍讀直學士杜詩凌

烟功臣少顏色後漢書桓榮傳論張佚廷議戚接

明史萬安傳安遂頓首呼萬歲欲出彭時商輅不得已

皆叩頭退心惇見送何省齋漢書吾邱壽王傳丞相

公孫宏奏言民不得拔弓弩上下其議壽王對以為無

益於禁姦而廢先王之典大不使上以難丞相宏誅

服焉又公孫宏傳上乃使朱買臣等難宏置朔方之便

吳詩集覽

卷六下

荳

發十策宏不得一又封丞相宏為平津侯又汲黯廷

詰宏曰齊人多詐而無情始為與臣等建此議今皆背

之不忠又汲黯傳上聞召為主爵都尉侍從見東萊

行韓詩玉帶懸金魚按退直猶下直也明史解縉傳

舉進士授中書庶吉士一日帝在大庖西室諭縉朕與

爾義則君臣恩猶父子當知無不言縉即日封事萬

言慷慨見哭志衍呂氏春秋管仲至齊境桓公使

人以朝車迎之後漢書來歷傳大臣乘朝車處國事固

復輒轉若此乎秦涼盜賊雜風雨梁宋邱墟長沮洳降人數部

花門留抽騎千人桂林戍至尊宵旰誰分憂挾彈求鳳

高墉謀老臣自詣都詔獄逐客新辭鳩鵲樓先生翻然

氣填臆口讀彈文叱安石期門將軍鬚戟張側足聞之

退股栗此段直陳時事是石齋意口中語乃殿上之正面也期門將軍與起處相應○晉書馬隆傳

若從諸卿言是無秦涼也如風雨見壽冀芝麓 邱墟

見遇前廂園叟沮洳見塗松晚發 杜有留花門詩唐

書地理志居延海又北三百里有花門山堡又東北千

里至回紇牙帳 左太冲吳都賦數軍實於桂林之苑

劉逵注吳有桂林苑也 宵旰見永和宮詞晉書宣帝

紀此非以為榮乃分憂耳 挾彈見老妓行淮南子削

薄其德曾累其行而欲以為治無以異於執彈而求烏

捍槍而狎犬也 易公用射隼於高墉之上 老臣見雕

橋莊歌明史職官志錦衣衛掌侍衛緝捕刑獄之事洪

武二十年以治錦衣衛者多非法凌虐乃焚刑具罷錦

衣獄成祖時復置尋增北鎮撫司專治詔獄 史記李

斯傳為客者逐又司馬相如傳過鴻鵠望露寒 徐廣曰

鳩音支甘泉宮左右觀名也 王仲宣登樓賦氣交憤

於胸臆 北史李彪傳近見彈文殊乖所以 宋史唐珣

傳摺笏展疏曰安石曰王安石近御座聽劄子大聲宣

讀凡六十條 漢書東方朔傳建元三年始微行與侍

中長侍武騎及待詔隴西北地良家子能騎射者期諸

殿門故有期門之號 又百官表期門平帝更名虎賁郎

吳詩集覽 卷六下 廿

鬚如戟見蟋蟀盆歌北史景穆十二王傳任城王孫順

鬚鬢俱張 南史郭祖深傳遠近側足股栗見蟋蟀盆

歌 吾聞孝宗宰執何其賢劉公大夏戴公珊夾城日移

對便殿造膝密語為艱難如今公卿習唯唯長跪不言

而已矣黃絲歷亂朱絲直秋蟲跼曲秋雕起嗚呼拾遺

指佞乃史臣優容愚戇天王仁 此段又用旁觀法劉戴

前以大紳為此以劉戴相擬有無心映合之妙而長

跪不言與上殿叩頭亦相應也然正襯反襯皆引起末

二句意史臣句收完侍從金魚優容句既與孝宗宰執

作對照又與起四句相闕合也立言有體 明史孝宗

紀諱祐檉憲宗第三子也唐書張九齡傳宰執每薦公

卿杜詩用舍何其賢 明史劉大夏傳字時雍華容人

宏治十五年拜兵部尚書又戴珊傳字廷珍浮梁人召

為左都御史帝晚年召對大臣珊與大夏造膝宴見尤

數李景文東山草堂歌九重移榻數召見爽城日高  
未下殿英謀密語人不知左右微聞至尊羨唐書柳公  
權傳常與六學士對便殿風俗通禮諫有五諷爲上  
故入則造膝出則詭辭戰國策范雎曰唯唯古詩  
長跪問故夫鮑詩黃絲歷亂不可治又直如朱絲繩  
杜詩秋蟲聲不去至篇踈踈不伸也張喬詩教獵秋  
鴉掠草輕拾遺見東萊行論衡太平之時屈軼生于  
庭之末若草之狀主指佞人漢書蓋寬饒傳上以其  
儒者優容之史記汲黯傳甚矣汲黯之戇也索隱意思  
也春秋隱公七年天王使凡伯來聘史記孝文紀所謂  
乃天子

按此詩以御撰資治通鑑三編及明史考之綱  
目崇禎十年冬十月李自成犯四川自成窺蜀中空  
虛乘間陷寧羌破七盤關分三道入蜀而闖獻延綏  
人所謂秦涼盜賊雜風雨也十年山東河南蝗十一  
年兩畿山東河南大旱蝗所謂梁宋邱墟長沮御也  
十一年夏四月張獻忠僞降總理軍務熊文燦受之

吳詩集覽

卷六

下

七

良玉知其詐請急擊之文燦不聽所謂降人數部花  
門留也明史楊嗣昌傳流賊既大熾嗣昌復陰主互  
市兵以分防不能常聚故有抽練之議抽練而其餘  
遂不問且抽練仍虛文邊防愈益弱所謂抽騎千人  
桂林戍也文選吳都賦注吳有桂林苑則非廣西桂  
林矣至尊二句蓋指嗣昌主撫奪情之事嗣昌傳十  
一年三月帝御筵畢嗣昌奏對有善戰服上刑等  
語帝佛然詰之曰小醜跳梁不能伸大司馬九伐之  
法奈何爲是言嗣昌慚嗣昌旣以奪情入政府又奪  
情起陳新甲總督而道周傳其劾嗣昌謂天下無無  
父之子衛開方不省其親管仲至比之豸狗李定不  
喪繼母宋世皆指爲人梟今遂有不持兩服坐司馬  
堂如楊嗣昌者老臣二句蓋指鄭三俊下獄劉同升  
等謫外之事道周傳十一年二月帝御筵筵刑部尚  
書鄭三俊方下吏講官黃景昉救之帝未許而帝適  
追論舊講官姚希孟道周聽未審謂帝將寬三俊念  
希孟也因言天下士生如三俊歿如希孟求其影似  
未可多得帝以所對失寔責令回奏嗣昌傳給事中

柯楷錢增御史林蘭友相繼論列帝不問六月改禮  
部尚書兼東閣大學士入參機務仍掌兵部事于是  
楷蘭友及道周抗疏詆斥修撰劉同升編修趙士春  
繼之帝怒並構三級留翰林刑部主事張若麒上疏  
醜詆道周遂鑄道周六級并同升士春皆謫外所謂  
老臣自詣都詔徹逐客新辭鵲鵲樓也至先生侍從  
二語蓋指崇禎二年道周以右中允三疏救故相錢  
龍錫降調五年方侯補遺疾上疏語皆刺大學士周  
延儒溫體仁斥爲民九年召復故官進諭德掌司經  
局事有三罪四耻七不如疏皆詳本傳而平臺召對  
時帝問道周曰爾三疏適當廷推不用時果無所爲  
乎對曰先時猶可不言至簡用後不言更無當言之  
日正與詩中况今慷慨復遑惜不爾何以乘朝車相  
爲印證惟是秦涼盜賊等語明史于石齋劾嗣昌疏  
中不具載或史傳敘疏有所刪節亦未可知然詳味  
詩意秦涼等語是指當時時勢先生翻然四句方實  
敘劾疏及召對之事耳 或問旣爲石齋作而題內  
不著其姓字何也曰梅村集刻于我 大清定鼎

吳詩集覽

卷六下

其

以後且已身仕 天朝而瞿黃數輩皆艱難海表  
爲 大兵所誅故後東臯草堂歌不書爲瞿起田  
作殿上行不書爲黃石齋作其意一也且後東臯草  
堂歌之中丞是止紀其巡撫廣西殿上行之侍從史  
官是止紀其由庶常歷少詹而于瞿黃所受諸王官  
晉皆不書于詩史之中有慎言其餘之意讀者尙論  
其世可以諒吳之苦心矣 按石齋與劉念臺齊名  
而集中止及石齋者梅村與臨江叅軍嘗從石齋受  
易故言之綦詳少陵八哀詩有臨淮而無汾陽不致  
疑于詩史也 馬孝升謂此詩指梅村同年楊鳧岫  
官日講對仗叅中書黃應恩以梅村所撰鳧岫墓誌  
爲徵然梅村詩中于姜給事衛少司馬皆君之而已  
此詩兩用先生字兼以劉戴爲比其爲石齋無疑先  
生侍從垂金魚退直且上庖西書况今慷慨復遑惜  
不爾何以乘朝車曰且上曰况今是前爲侍從而後  
爲大僚者鳧岫由庶吉士歷檢討中允論德固終其  
身爲侍從者何以云况今慷慨乎惟鳧岫之劾黃  
應恩也淄川張至發寔瞻應恩篇中未斥齊人慚汲



尉似于志發爲合然道周傳中本有張至發擯道周語而梅村墓表謂立朝始進卽首劾淄川奏雖寢不行其黨皆側目詘平津而慚汲尉蓋梅村自指而上書慷慨歸之石齋也梅村之詘至發固不待遺涂仲吉入都申救道周之日而始見耳

過錦樹林玉京道人墓

并傳

玉京道人莫詳所自出或曰秦淮人姓卞氏知

書工小楷能畫蘭能琴年十八僑虎邱之山塘

所居湘簾棐几巖淨無纖塵雙眸泓然日與佳

墨良紙相映徹見客初亦不甚酬對少焉諧謔

間作一座傾靡與之久者時見有怨恨色問之

吳詩集覽

卷六

下

芄

輒亂以宅語其警慧雖文士莫及也

秦淮見闕州行知

書見畫蘭曲

蘇詩淨几明窗書小楷

字典

旅寓曰僑居

大清一統志虎邱山在蘇州

府元和縣山塘見彈琴歌

趙子昂詩湘簾疎

織浪紋絺晉書王羲之傳嘗詣門生家見棐几

滑淨因書之真草相半

徹見行路難

晉書顧愷之傳好諧諠人多愛

狎之

宋書符瑞志傾靡有光采

魏書乞伏

保傳初無恨色

南史王融傳少而神明警慧

與鹿樵生一見遂欲以身許酒酣拊几而顧曰

亦有意乎生固爲若弗解者長歎凝睇後亦竟

弗復言尋遇亂別去歸秦淮者五六年矣

列子鄭人

有薪於野者遇駭鹿擊而斃之恐人見之也藏諸隍中覆之以蕉俄而失其處遂以爲夢順途

而咏其事傍有聞者取之歸告室人曰薪者夢得鹿不知其處我今得之彼重夢者矣按鹿樵生梅村以自諷也 撫儿出南史韋叡及任昉傳撫與拊通如小雅拊我畜我左傳宣十二年拊而勉之之類 百 久之有聞其復東下者王詩含情凝睇謝君王

於海虞一故人生偶過焉尚書某公者張具請

爲生必致之衆客皆停杯不御已報曰至矣有

頃迴車入內宅屢呼之終不肯出生悒悒自失

殆不能爲情歸賦四詩以告絕已而歎曰吾自

負之可奈何

晉書地理志吳郡有海虞縣一統志常熟縣晉海虞縣史記曹相

國世家取酒張坐飲韻會張設也 鮑詩停觴不御欲誰須 梅村琴河感舊詩序主人命犢

吳詩集覽

卷六下

廿

車以迎來持羽觴而待至停驂初報傳語更衣已託病疴遷延不出知其憔悴自傷亦將委身于人矣漫賦四章以誌其事 踰數月玉京忽至有婢曰柔柔

者隨之嘗著黃衣作道人裝呼柔柔取所攜琴

來爲生鼓一再行泣然曰吾在秦淮見中山故

第有女絕世名在南內選擇中未入宮而亂作

軍府以一鞭驅之去吾儕淪落分也又復誰怨

乎坐客皆爲出涕

按此段正與聽女道士彈琴歌相合歌當作于其時也南

史梁宗室昂傳徵爲瑯琊彭城二郡太守時有女子年二十許散髮黃衣在武窟山石室中人

呼爲聖姑梁書劉瓚傳瓚髮爲道人 鼓一 再行出史記司馬相如傳 泣然見雕橋莊歌

左傳成九年晉侯觀於軍府一鞭見老妓行  
左傳成二年况吾儕乎淪落見避亂其四

柔柔莊且慧道人畫蘭好作風枝婀娜一落筆

盡十餘紙柔柔承侍硯席間如弟子然終日未

嘗少休客或導之以言弗應與之酒弗肯飲黃魯

直詩風枝雨葉瘠土竹  
婀娜見王郎曲  
板橋雜記侍兒柔柔承奉硯席如弟子指揮如意

亦靜好女子也  
會真記稍以辭導之不對踰兩年渡浙江歸於東

中一諸侯不得意進柔柔奉之乞身下髮依良

醫保御氏於吳中保御者年七十餘侯之宗人

築別宮資給之良厚侯死柔柔生一子而嫁所

吳詩集覽 卷六 下

嫁家遇禍莫知所終李義山柳枝詩序柳枝洛中坐孃也手斷長帶結贈

乞詩後為東諸侯取去張如哉曰東中謂會稽也出晉書王羲之傳  
戰國策張儀謂秦王曰願乞不肖身之梁魏書釋老志沙門師賢本屬

賓國王種人帝親為下髮  
梅村保御鄭三山墓表君諱欽道人持課誦戒律甚嚴生於保御

俞三山其字中表也得以方外禮見道人用三年力刺舌血

為保御書法華經既成自為文序之緇素咸捧

手讚歎凡十餘年而卒墓在惠山祇陀菴錦樹

林之原後有過者為詩弔之曰佛國記法顯慨律藏缺于是以

宏治二年至天竺尋求戒律鄭三山墓表余與君為中表又玉田公墓表于吳門遇三山鄭

與君為中表又玉田公墓表于吳門遇三山鄭

君曰余姻也詢之則三山之兄曰某者為伯祖  
婿余姑尚在也莊子彼游方之外者也南  
史徐孝克傳持菩薩戒晝夜誦法華經宋史  
藝文志法華經三卷緇素見讚佛詩魏書任  
城王雲附傳捧手抗禮隋煬帝重與智者請義  
書忍師讚歎惟唱希有天清一統志慧山  
在常州府無錫縣西寰宇記九龍山一曰冠龍  
山又曰惠山常州府志祇陀講寺在無錫縣東

三十

龍山山下茱萸節泉響琤淙流不竭但洗鉛華不洗愁  
形影空潭照離別離別沉吟幾迴顧遊絲夢斷花枝悟  
翻笑行人怨落花從前總被春風誤金粟堆邊烏鵲橋  
玉孃湖上蘼蕪路油壁曾聞此地遊誰知卽是西陵墓

吳詩集覽

卷六

下

世

從地與時說起是題首過字第十二句點出墓字○風  
土記九月九日律中無射而數九俗尚此日折茱萸房  
以挿頭上言辟除惡氣而禦初寒隋書地理志九龍  
山有惠山寺第二泉在焉庚詩懸崖泉溜響黃魯直詩  
邇來頗琤琮不竭見海戶曲蘇詩洗盡鉛華見雪肌  
劉仲晦詩為君洗盡古今愁司空表聖詩品空潭瀉  
春沉吟見送何省齋廻顧見松風沈休文詩游絲  
映空轉夢斷詳詩餘念奴嬌韓詠落花詩無端又被  
春風誤吹落西家不得歸杜詩君不見金粟堆前松  
栢裏烏鵲橋見青門曲李義山詩玉孃湖上月應沉  
古詩上山采蘼蕪下山逢故夫蘇小小歌妾乘  
油壁車郎跨青驄馬何處結同心西陵松栢下  
烏栢

霜來映夕曛錦城如錦莖文君紅樓歷亂燕支雨繡嶺

迷離石鏡雲絳樹草埋銅雀硯綠翹泥宛鬱金裙

宛烏

居然設色倪迂畫點出生香蘇小墳

此段讚墓卽以讚  
玉京也張如哉曰

此段寫錦樹林從老杜詩野花留寶鬢蔓草見羅裙化  
出清詞麗句亦可爲鄰○烏柏見送龔孝升謝靈運詩  
夕曛嵐氣陰 錦城見吳志衍李詩千花書如錦吏記  
司馬相如傳卓王孫有女文君 百詩紅樓富家女歷  
亂見殿上行匈奴歌失我焉支山令我婦女無顏色李  
長吉詩桃花亂落如紅雨 一統志繡嶺亭在無錫縣  
慧山西宋光祿滕中充建以花木繁盛故名迷離見鴛  
湖曲華陽國志武都有一丈夫化爲女子美而麗蜀王  
納爲妃無幾物故蜀王遣五丁之武都擔土作塚蓋地  
數畝上有石鏡表其門今成都北角武擔是也路史鏡  
周三丈五尺 魏文帝與繁欽書今之妙舞莫巧於絳  
樹(記事珠絳樹一聲能歌兩曲二人相聽各聞一曲一  
字不亂人疑其一聲在鼻)交房四譜古瓦硯出相州魏  
銅雀臺里人掘土在得之貯水數日不滲 天中記  
女道士魚元機女童名緣翹明惠有色(韓詩勿使泥塵  
浣季義山詩折腰爭舞鬱金裙 莊子居然不免于患  
周禮設色之工五(明史隱逸傳倪瓚字元鎮無錫人也  
家雄於貨工詩善畫爲人有潔癖侯朝宗十萬圖記雲

吳詩集覽

卷六下

廿

林倪瓚自稱癩迂 徐孝穆玉臺新詠序辟惡生香聊  
防羽陵之蠹異地記嘉興縣有晉妓蘇小小墓能改齋  
漫錄蘇小小錢塘名娼也按此蓋南齊 相逢盡說東風  
時人故梅村絕句有記得錢塘兩蘇小

柳燕子樓高人在否在拋心力付蛾眉身去相隨復何  
有獨有瀟湘九畹蘭幽香妙結同心友十色箋翻貝葉

文五條絃拂銀鈎手生死旃檀祇樹林青蓮舌在知難

朽 此段櫟括玉京生平畫圖音樂禪說層次俱見○東  
風柳見楚兩生行 一統志燕子樓在徐州府銅山

縣西北隅唐貞元中尚書張建封鎮徐州築此樓以居  
愛妾盼盼建封卒盼盼樓居十五年不嫁秦少游詞人

在樓中否 元詩在拋心力畫朝雲 百諷關盼盼詩

黃金不惜買蛾眉揀得如花四五枝歌舞教成心力盡

一朝身去不相隨宰稼軒詞當年燕子人何有 瀟湘

見歸雲洞九畹蘭見畫蘭曲 歐陽永叔醉翁亭記野

芳發而幽香(夏)同心之言其臭如蘭(續博物志)元稹使蜀營妓薛濤造十色彩箋以寄延漏錄益州出十樣鸞箋曰深紅曰淺紅曰杏紅曰明黃曰深青曰淺青曰深綠曰淺綠曰銅綠曰淺雲又有彩霞金粉貝葉見贈蒼雪(禮)昔者舜作五絃之琴銀鈎見畫中九友歌梅檀見讚佛詩金剛經注須達多長者白佛言弟子欲營精舍請佛住惟有祇陀太子園廣八十頃林木鬱茂可居(杜)詩兄居祇樹園青蓮見贈蒼雪(史)記張儀傳吾舌尚良常高館隔雲山記得斑驩嫁阿環薄命只應在不

同入道傷心少婦出蕭關紫臺一去魂何在青鳥孤飛

信不還莫唱當時渡江曲桃根桃葉向誰攀此段因玉京而并及

柔柔餘波潑複(一)統志良常山在江寧府句容縣小茅峯之北秦始皇嘗登句曲山北垂歎曰逖狩之樂莫適于山海自今以往良爲常矣洞天福地記第三十二洞良常山周廻三十里名方會之天晉書華譚傳虛高

### 吳詩集覽

#### 卷六下

廿

館以俟賢雲山見閬州行季義山詩腸斷斑驩送陸郎漢武內傳上元夫人又遣一侍女答問云阿環再拜上問起居薄命見銀泉山入道見彈琴歌少婦見送龔孝升蕭闕見送杜敬武(文)通恨賦紫臺稍遠狂詩一去紫臺連朔漢(漢)武故事七月七日忽有青鳥飛集殿前東方朔曰此王母欲來季義山詩青雀西飛竟未回(隋)書五行志陳時江南盛歌王獻之桃葉之詞曰桃葉復桃葉渡江不用楫王子敬桃葉歌桃葉復桃葉桃樹

連桃根張如哉曰居易錄倪元鎮故居今爲祇陀寺在無錫縣東南二十里雲林堂清閨閣故址至今猶多梧桐詩中居然設色倪迂畫點出生香蘇小墳正用此作點綴非泛引也

### 悲滕城

百四十里(天)清一統志滕縣在兗州府東南一

水四年六月又大水(程)迂亭曰崇禎四年河決金龍口滕縣沉焉王貽上水月令注云山蛆生

山鱗重不週一斤崇禎辛未淨河而下或至六七斤未幾決荆隆口漂沒萬家詩用史記河魚大上正謂山蛆出也北史祖瑩傳尚書王肅曾於省中詠悲平城詩云悲平城驅馬入雲中彭城王勰甚嗟其美欲使肅更詠乃失語云公可更爲誦悲彭城詩肅因戲勰云何意呼悲平城爲悲彭城也瑩應聲云悲彭城  
楚歌四面起按詩題當本此

悲滕城滕人牧羊川之濱雨工矯步趨其羣河魚大上

從風雲去山一尺雷殷殷寺前鐵鐸多死聲日暮鷄犬

慘不鳴城上掌事報二更鬼馬踏霧東南行鼓音隆隆

非甲兵吁嗟龍伯何不仁大水湯湯滔吾民

此段悲滕城之天災

滔吾民引起下文○異聞集柳毅見有婦人牧羊於道畔曰非羊也兩工也何爲兩工曰雷霆之類也退之與

吳詩集覽

卷六下

莛

人書天池之濱

列仙傳託身風雨遙然矯步蘇子卿

詩胡馬失其羣

史記秦始皇紀八年河魚大上又老子傳至於龍吾不能知其乘風雲而上天

三秦記民謠孤雲兩角去天一握詩殷其雷五代史于闐傳冬夏

殷殷有聲如雷宋齊邱詩風來蕭寺鐸左傳襄十八年師曠曰南風不競多死聲漢書燕刺王旦傳歸空

城兮狗不吠雞不鳴按掌事如史記李斯傳之管事莊孔賜詩疎雨寒城打二更杜詩鬼妾與鬼馬范致

能詩馬蹄踏霧入空濛古樂府有日出東南隅行毛氏詩傳蓋蘊而暑隆隆而雷梅聖俞詩漁陽王晉音隆

隆列子龍伯之國有大人舉足不盈數步而暨五山之所漢武帝瓠子歌爲我謂河伯兮何不仁詩汶水

湯湯說文滔水漫漫大貌城中竿瑟不復陳縞帶之價高錦純路骨

藉藉無王名塋者死生俱未明悲滕城滕城訛言晝夜

驚百尺危巖浮車輪海民投網獲金錨巫兒赤章賽水

神溝人匠氏修防門

此投悲滕城之人事○禮鐘磬等瑟以和之 韓詩隨車翻稿帶戰

國策錦繡千純按此句從左傳昭三年履賤踊貴化出

杜詩路有凍死骨漢書燕刺王旦傳骨藉藉兮亡居

宋史田瑜傳有殺人投疑井中者吏以其無主名不以

聞按死生未明本隋場帝齊王暕事而加之葬者則

變化用之也通鑑齊王暕素失愛于帝恒相猜忌父子

至死不相明詩民之訛言車輪見贈李雲田潘

安仁西征賦灑鉤投網漢書地理志齊地長女不得

嫁名曰巫兒為家主祠梁書沈約傳乃呼道士奏赤童

於天史記封禪書冬賽禱祀索隱曰賽謂報神福張文

昌詩誰家祭水神考工記匠人為溝洫左傳襄十六

年塹防門而守之

北河風高水生骨玉壘銀橋堆幾尺新戍雲中千騎馬

橫津直渡無行迹下流湍悍川途開吹笳官舫從南來

帆檣山齊排浪進牽船百丈聲如雷雪深沒髀衣露肘

背挽頭低風塞口相逢羨殺順流船急問來時河凍否

溜過湖寬放牖平集作長年穩望一帆輕夜深側聽流

澌響瑣碎玲瓏漸結成起四句點出水字湍悍下是打水之由○高達夫詩歸去北風

高四民月令犁星沒水生骨左太冲蜀都賦包玉壘

而為宇此借用元裕之詩銀橋望極竟不歸爾雅成

遇也注戍守所以止寇賊雲中見雁門尚書行古樂府

東方千餘騎王會之詩石篋橫津蛟莫窺行迹見松

風史記河渠書水湍悍難以行平地震伯施詩鳳吹

溢川途李君虞詩幾處吹笳明月夜官舫見促船行

古樂府使君從南來李公垂詩水郭帆檣近斗生韓

君平詩浮雲不共此山齊王仲初詩花裏牽船水上

打水詞蘇詩不用防秋更打水

吳詩集覽 卷六下

廿六



歌按演繁露杜詩多用百丈問之蜀人云水峻岸石又多廉稜若用索牽遇石輒斷故劈竹爲大瓣用麻繩連貫以爲牽具是名百丈五代史于闐傳冬夏殷殷有聲如雷云禹貢流沙也沒馱見馬草行露肘見避亂談藪王元景曰禾熟頭低麥熟頭昂漢書溝洫志猶止見啼而塞其口也爾雅順流而下曰沂游杜詩河凍未漁不易得管子注溜發也字典水溜下也蘇詩放屨起膠屨長年見送周子叙一帆見塗松晚發側聽見讚佛詩楚辭流澌紛兮將來下韓聯句詩竹影金瑣碎玲瓏見琵琶行

篙滑難施櫓

枝折舟人霜滿髭鬚白發鼓催船喚打水衝寒十指西風裂吁嗟河伯何涇涇白楫如雨終無聲魚龍潛逃科

斗匿殊耐鞭杖非窮民官艙裘酒自高卧只話篙師義

手坐早辦人夫候治裝明日推車冰上過篙滑四句點出打水河伯

吳詩集覽 卷六下 七

四句寔寫打水官艙四句用督責語是進一步寫打水也○揚子方言所以進船謂之篙釋名船尾曰柁在旁日櫓櫓脊也用督力然後舟行也宋元虛海賦舟人漁子百詩旣白滿船霜劉夢得詩好染髭鬚事後生杜詩打鼓發船何郡郎又山意衝寒欲放梅白詩十指無定音吁嗟河伯見悲勝城類篇棒亦作楫通鑑唐元宗二十三年上御五鳳樓饗觀者謹監樂不得奏金吾白挺如雨不能過劉克莊築城行白楫詞責

如風雨魚龍見送志行入蜀科斗見二十五日詩殊耐鞭杖見捉船行高卧見退谷歌篙師見捉船行後漢書馬援傳咋舌义手戰國策於是約車治裝左傳成二年故不能推車而反

背挽頭低白楫如雨是畫工風寒口終無聲是化工梅村筆下殆無所不有

再觀打水詞杜有觀打水歌又觀打水詩題仿之

官催打水不肯行座船既泊商船停商船雖住起潛聽

水底有聲花牙應桅竿旗動吹南風舟子喜甚呼蒙衝

兒童操艇爭跳躍其氣早奪馮夷宮書如蒼崖崩巨石

書當作鑄呼 鏞如戈矛相撞擊橫切 滄如雲氣騰虛空颯如

雨聲飛浙瀝此段是方打時之水○和詩江平不肯流

將許作商船以誘之後漢書蔡邕傳試潛聽之

魯直詩灣頭東風轉花牙廣韻桅小船檣也舟上帆

竿詩招招舟子後漢書滄衡傳黃祖在蒙衝船上大

會賓客注外狹而長曰蒙衝 跳躍見哭志衍 馮夷

宮見二十五日詩 莊子書然鬻然蒼崖見臨江黎軍

高唐賦注 巨石大石也 班孟堅東都賦鐘鼓鏗鈞廣

韻鐘鼓聲相雜也詩修我戈矛戰國策追則杖戟相撞

滄若雲見青門曲 楚辭風颯颯兮木蕭蕭歐陽永

叔秋聲賦初浙瀝以蕭颯張如哉曰少陵觀舞劍器行

燿如羿射九日落矯如羣帝驟龍翔來如雷霆收震怒

吳詩集覽 卷六 下 廿

罷如江海凝清 河伯娶婦三日眠霜紈方空張輕烟空

光句法仿之 忽聞裂帛素娥笑玉盤銀甕傾流泉別有鮫鮪還未

醒沉魚浮藻何隱隱上冰猶結下水行視水如燈取水

影冰輪既碾相催送三千練甲皆隨從激岸迴湍水負

冰白龍十丈鱗鱗動此段是既打後之水○史記滑稽

老日苦為河伯娶婦琴參詩盡日窓中眠 劉夢得詩

流塵蔽霜紈後漢書章帝紀 詔齊相省冰紈方空鼓吹

綸絮注 卽今方日紗也 梁元帝詩乍若輕烟散

子山謝趙王查絲布政妻聞裂帛方當含笑羅公遠

傳明皇遊月宮見素娥十餘人張如哉曰通鑑褒氏好

聞裂紈聲王發紈裂之以適其意此暗用之 玉盤見

海戶曲張道濟詩山如銀作甕流泉見題高士圖 百

詩別有幽愁暗恨生按鮫鮪俱海魚名尹廷高詩日上

海棠眠未醒詩魚在在藻司馬長卿上林賦沈沈隱

隱唐太宗詩交河水已結朱德潤詩一奩水影對

鈿花按詩人多以月為水輪如子瞻之雲峯缺處湧

水輪務觀之冰輪了無轍是也此更變化用之正韻

碾本字所以輓物器也左傳襄三年楚子使鄧廖帥

組甲三百被練三千以侵吳按漱岸張融賦作蕩洲

漱岸駱賓王詩輕凍澀回端月令魚陟負水朱子詩

白龍飛下蔚藍天唐子西詩龍噴揮水十丈餘何仲言

詩鱗鱗送水自古水嬉無此觀披裘起坐捲簾看估客兼程

貪夜發却愁明日西風寒枕畔輕雷殊不已醉裏扁舟

行百里安得并州第四弦彈徹水天霜月起此段是再觀二字以

咏嘆出之愁西風與喜南風相應○水嬉見琵琶行

姚合詩防冷欲披裘捲簾見青門曲梁元帝詩漫道

江中無估客錢仲文詩有意兼程去南史垣崇祖傳受

旨夜發蘇子美詩枕畔冷香通醉夢歐陽永叔詞柳

吳詩集覽卷六下外輕雷池上雨杜詩焉得并州快剪刀蔡琰別傳邕

夜鼓琴絃絕琰聞曰第二絃邕故斷一絃聞之曰第四

絃江詩聲教燭水天獨孤至之詩霜月照膽淨

伯喈之第四絃琴絃也琵琶亦四絃如琵琶

行四條絃上烟塵生是也然用并州字俟考

雪中遇獵

北風雪花大如掌河橋路斷流漸響愁鳴鴉餓雀語啁啾

健鶻奇鷹姿颯爽起四句是雪中而健鶻奇鷹已逗出獵字意

○季詩燕山雪花大如席又

雪花大如手晉書杜預傳造舟為梁則河橋之謂也

流漸見打水詞劉孝威詩愁鳴集古樹張伯雨詩饑

雀掃窓紙啁啾見松鼠杜詩斯須領健鶻蔡將軍射

珪野鷹來曲南山有奇鷹颯爽見二十五日詩獵城南隅軟裘快馬紅攆毬秋翎垂頭西鼠煖鴉青徑

寸裝明珠金鶯箭褶袍花溼桐酒駝羹馬前立錦靴玉

貌撥秦箏瑟瑟鬢多好顏色

此八句遇獵前四句就將軍正寫後四句就侍者旁

寫○高達夫詩往來射獵西山頭又却鄆城南遊俠子

杜詩鞞裘快馬當冰雪紅氍毹見臨頓兒會典

國朝定貝子戴三眼孔雀翎根綴藍翎鎮國公輔國公

戴二眼孔雀翎根綴藍翎護軍統領護軍參領戴一眼

孔雀翎根綴藍翎護軍校戴藍翎順治十八年議

準貝子公戴翎俱照舊例內大臣一等二等三等侍衛

前鋒統領護軍統領前鋒參領護軍參領諸王府長史

一等護衛戴一眼孔雀翎根綴藍翎貝勒府司儀長王

府貝勒府二等三等護衛貝子公府護衛及護軍校俱

戴藍翎內外額駙如非係內大臣俱不許戴諸王府

散騎郎有阿達哈番以上世職許戴一眼孔雀翎根

綴藍翎錫炳詩番國胡僧青嵐帽黃魯直詩漫染鴉

青襲舊書史記田齊世家尚有徑寸之珠照車後十二

乘者十枚韋端已詩紫袍日照金鶯鬪字典急就篇

吳詩集覽

卷六下

早

注褶其形若袍短身而廣袖一曰左衽之袍也 桐酒

見海戶曲按杜詩紫駝之峯出翠釜則駝可為羹李

詩青黛畫眉紅錦鞵史記魯仲連傳今吾觀先生之玉

貌非有求於平原君者也曹詩秦箏發西氣瑟瑟見

讚佛詩杜詩少年家住賀蘭山磧裏擒生夜往還鐵嶺

深知好顏色

草枯燒埃火黑河水滿渡征鞍十載功成過高柳閒却

平生射鵰手漫唱千人勅勒歌只傾萬斛屠蘇酒此八句是

將軍意中語前四句追憶塞外後四句追訴入塞也○

天清一統志賀蘭山在寧夏府寧朔縣西又陰山

橫障北漠起寧夏賀蘭山蜿蜒而北至牧廠及察哈爾

地為蘇門哈達山阿哈拉圖山古楚古計擒生數劉文

詩磧裏征人三十萬張繪之詩功名在計擒生數劉文

房詩田家數往還一統志銀州故城今鐵嶺縣治在

奉天府北一百三十里王詩草枯鷹眼疾孫奕示兒編

斥候之候俗作埃杜詩候火雲峯峻黑河見海戶曲

杜必簡詩艱險促征鞍〔一〕統志高柳故城在大同府

陽高縣西北〔二〕又高柳谷在克西克騰旗南四十里蒙古

名伊克布爾哈蘇台〔三〕蘇叔黨詞閒却傳杯手〔四〕北史斛

律金傳邢子高嘆曰此射雕手也〔五〕司馬長卿上林賦

千人唱萬人〔六〕和〔七〕北史齊神武紀使斛律金勒勒歌神武

自和之〔八〕李詩美酒樽中置千斛荆楚歲時紀正月一

日是三元之日也長幼〔九〕以次拜賀進屠蘇酒〔十〕今朝彷彿李陵臺將軍喜甚圍

場開黃羊突過笑追射鼻端出火聲如雷〔十一〕此四句獵字

地理志雲中都護府燕然山有李陵臺〔十二〕天清一統

志威鹵廢驛今牧廠地土人呼為博羅城在獨石口東

北一百四十里亦名李陵臺〔十三〕宋史禮志太祖校獵于

近郊先出禁軍為圍場〔十四〕黃羊見贈馮諲生微之馬射

賦旁瞻笑過咸懼發遲〔十五〕史記李將軍傳今以百騎走匈

奴追射我立盡〔十六〕南史曹景宗傳覺耳後生風鼻端出

火詩如〔十七〕回去朱旗滿城闕不信溝中凍死骨猶有長征

霆如雷〔十八〕

吳詩集覽 卷六 下

遠戍人哀萬里交河卒〔十九〕此四句獵字餘波〔二十〕漢書敘

凍死骨見悲滕城〔二十一〕王少伯詩萬里長征人未還〔二十二〕後漢

書龐參傳疲之以遠戍〔二十三〕詩哀哀父母交河卒見行路

難 笑我書生裋褐温蹇驢箬笠過前村即今莫用梁園

賦扶杖歸來自閉門〔二十四〕以遇字作結蹇驢暗用浩然踏雪

見壽龔芝麓漢書貢禹傳裋褐不完〔二十五〕蹇驢見宮扇張

志和漁父詞青箬笠僧齊已詩前村深雪裏〔二十六〕史記司

馬相如傳會景帝不好詞賦因免遊梁〔二十七〕

梁園見送沈繹堂〔二十八〕扶杖見送何省齋〔二十九〕

通首正寫遇獵而雪中字於旁襯得之蓋軟裘西鼠

袍溼草枯冰滿屠蘇凍骨裋褐箬笠歸來閉門皆帶

一雪境在內而梁園之賦亦因雪賦中引梁王

兔園也組織工妙都入渾成是格力高人處

